

ገድለ : አረጋዊ ።

VITA

ZA-MĪKĀ'ĒL 'ARAGĀWĪ.

EDIDIT


IGNATIUS GUIDI




ROMAE

MDCCCXCVI.

1896



Roma. — Tipografia della R. Accademia dei Lincei.



Vita Za-Mikâ'el 'Aragâwî, quam nuper in Actis R. Acad. Lynceorum (1) criticis adnotationibus instructam edidi, cum orationis elegantia, tum narrationibus haud iniucundis, ad veterem Aethiopum historiam pertinentibus, mihi valde idonea visa est, quam literarum aethiopicarum studiosi manibus versent. Quamobrem in praelectionum academicarum usum, textum 'ge'ez'

(1) Memorie della Classe di scienze morali, storiche e filologiche. Ser. 5^a, Vol. II, I, p. 54.

ex editione critica seorsim edidi, et locum unum vel alterum aperte corruptum ex coniectura emendavi; ceterum qui de codicibus quos secutus sum et de textus, ut aiunt, constitutione certior fieri velit, audeat Acta Acad. Lynceorum modo laudata.

IGNATIUS GUIDI.



በስመ : አግዚአብሔር : ጽኑዕ :: ዘመ
ነ : መንግሥቱ : ዘኢይትዌዳኦ :: መልዕ
ልተ : ነፋሳት : ደባትረ : ማይ : ዘያረግ
ዕ :: በከርፊ : ደመና : ማየ : ባሕር : ዘያ
መጽኦ :: ወያዐርጎ : በእደ : መላእክት :
እንዘ : ያጌጉኦ :: በኅይለ : መባርቅት :
ወነገድጓድ : እንዘ : ይጼንዕ :: ድልቅ
ልቀ : ወፀዓዐ : እንዘ : ያወክሕ : አስከነ :
ይሰማዕ : መአዝነ : ዓለም : ርብዕ :: ወ
ይፌንዎ : ውስተ : ገጸ : ምድር : በከመ :
ሥራዕ :: ለዘርኦ : ወለማኦረር : ለአጽግ

ጸሎቱ፡ ወበረከቱ፡ ወሀብተ፡ ረድኤቱ፡ የ
 ሀሉ፡ ምስሌን፡ ለዓለመ፡ ዓለም፡ አሚን።
 ወከመዝ፡ ወአቱ፡ ፀአቱ፡ ለአቡን፡ ዘሚ
 ካኤል፡ ራብዕ፡ ትውልድ፡ እምእንጠንዮ
 ስ፡ ወመቃርዮስ፡ ወጳኸሚስ። ወለዝንቱ፡
 ብእሴ፡ እግዚአብሔር፡ ከመዝ፡ ወአቱ፡
 ልደቱ፡ እመንግሥተ፡ ሮም። ስመ፡ አቡ
 ሀ፡ ይስሐቅ፡ ወስመ፡ እሙ፡ አድና፡ ወፎ
 ሆሙ፡ ጸድቃን፡ እሙንቱ፡ ወፈራህያን፡ እ
 ግዚአብሔር፡ ወወለዱ፡ ፪ውሉደ፡ ለ፩፡ ስ
 ሙ፡ ቲዎድሮስ፡ ወለካልኡኒ፡ ስሙ፡ ገብ
 ረ፡ አምላክ፤ ዝውአቱ፡ ዘአስተጋብአን፡ ተ
 ዝካሩ፡ አቡን፡ ወመምህርን። ወእሙሰ፡ ሰ
 መዩቶ፡ አብደል፡ መሲሕ፡ ዘበተርጓሚህ፡
 ገብረ፡ ክርስቶስ፡ ብሂል፤ ወሐፀንዎ፡ በጥ
 ቡብ፡ ወበፈሪህ፡ እግዚአብሔር፡ ወተምህ
 ረ፡ ኦሪተ፡ ወንቢያተ፡ ወኸሎ፡ መጻሕፍተ፡

ቅዱሳተ። ወልሀቀ፡ ወጸንዐ፡ በመንፈስ፡ ቅ
 ዱስ፡ ወይገይስ፡ ኅበ፡ ቤተ፡ ክርስቲያን፡
 ነግሀ፡ ወሰርከ። ወሐፀዩ፡ ሎቱ፡ ብእሴ
 ተ፡ እምዐበይተ፡ ቤተ፡ መንግሥት፡ ወአ
 በዩ፡ አውስቦ፡ እስመ፡ እምንእሱ፡ ሕኑጽ፡
 ወአቱ፡ በመንፈስ፡ ቅዱስ። ወእምዝ፡ እ
 ምድኅረ፡ ብዙኅ፡ መዋዕል፡ መጽአ፡ አ
 ብ፡ ክቡር፡ አቡን፡ ዘሚካኤል፡ እምሮም
 ያ፡ ወበጽሐ፡ ተባይዳ፡ ብሔረ፡ ጽርዕ፡ ዘ
 ወአቱ፡ ደውናስ፡ ኅበ፡ ሀሎ፡ አባ፡ ጳ
 ኸሚስ፡ አበ፡ መንኮሳት፡ ሠራዒ፡ ማኅበ
 ር፡ ዐቢይ። ወተራከቦ፡ ፩ እመንኮሳት፡ ወ
 ይቤሎ፡ እምአይቲ፡ መጻእከ፡ እስመ፡ ሕ
 ፃን፡ ወላሕይ፡ አንተ፤ ወይቤሎ፡ እም
 ነ፡ ሮምያ፡ መጻእከ፡ እስመ፡ ብዩ፡ መፍ
 ቅድ፡ ኅበ፡ አባ፡ ጳኸሚስ። ወዘንተ፡ ሰ
 ሚያ፡ አብኦ፡ ጽምሚተ፡ ኅበ፡ አባ፡ ጳ

ስሜን ፡ ፡ ወሶበ ፡ ፡ ርእዮ ፡ ፡ ቅዱስ ፡ ሰዐፕ ፡
 ወአፍቀሮ ፡ እስመ ፡ ጸጋ ፡ እግዚአብሔር ፡
 ኅዱር ፡ ላዕሌሁ ፡ ፡ ወይቤሎ ፡ በእንተ ፡ ም
 ንት ፡ መጻእከ ፡ ኅቤየ ፡ ወነገሮ ፡ ስሎ ፡ ኅ
 ሊናሁ ፡ ወይቤሎ ፡ መጻእኩ ፡ ከመ ፡ እኩ
 ን ፡ መነኮሰ ፡ ከማከ ፡ ፡ ወይቤሎ ፡ ኦወል
 ድየ ፡ ትክልኑ ፡ ከዊነ ፡ መኒኮስ ፡ እስመ ፡
 ወልደ ፡ መንግሥት ፡ አንተ ፡ ፡ ወይቤሎ ፡
 መንግሥትሰ ፡ ዘበምድር ፡ ኅላፊ ፡ ወእቱ ፡ ፡
 ወይቤሎ ፡ አባ ፡ ጳሎሚስ ፡ ኢይምሰልከ ፡
 ቀሊለ ፡ ግብረ ፡ ምንኩስና ፡ እስመ ፡ ብዙ
 ኃን ፡ እለ ፡ መጽኑ ፡ ኅቤየ ፡ ወስእኑ ፡ ት
 ዕግሥተ ፡ ፡ ወይቤሎ ፡ አቡነ ፡ ዘሚካኤል ፡
 ለአባ ፡ ጳሎሚስ ፡ አመክረኒ ፡ ከያየኒ ፡ አ
 አባ ፡ ወርኢ ፡ ምግባርየ ፡ ወይቤሎ ፡ አን
 ተ ፡ አመክር ፡ ርእሰከ ፡ ወይቤሎ ፡ አሆ ፡
 ወነበረ ፡ ኅዳጠ ፡ መዋዕለ ፡ ምስሌሆሙ ፡ ፡

መፍትወኑ ፡ እንከ ፡ ይደሉ ፡ ከመ ፡ ንንግ
 ር ፡ በእንተ ፡ ብጽሐቱ ፡ ኅበ ፡ አባ ፡ ጳሎ
 ሚስ ፡ በከመ ፡ ነገረነ ፡ ቅድመ ፡ ወዘከመ ፡
 ተስእለ ፡ በእንተ ፡ ምንኩስናሁ ፡ ፡ ወይቤሎ ፡
 ተመክር ፡ ወልድየ ፡ ንስተተ ፡ እስመ ፡ ይቤ ፡
 መጽሐፍ ፡ ሶበ ፡ ተሐውር ፡ ትትቀነይ ፡
 ለእግዚአብሔር ፡ አስተዳሉ ፡ ነፍሰከ ፡ ለ
 ሕማም ፡ እስመ ፡ በእሳት ፡ ያሚክርዎ ፡ ለ
 ወርቅ ፡ ወሉበእሳኒ ፡ ጸድቅ ፡ በሕማመ ፡ ተ
 ጽናስ ፡ ወቅዱስሰ ፡ አቡነ ፡ ዘሚካኤል ፡ ር
 ኢዮ ፡ ዘንተ ፡ ስሎ ፡ ጸማሆሙ ፡ ወትጋሆ
 ሙ ፡ ለቅዱሳን ፡ ተምህረ ፡ እምኔሆሙ ፡ ፡ ወ
 አፍቀሮ ፡ ፈድፋድ ፡ አባ ፡ ጳሎሚስ ፡ በእ
 ንተ ፡ ሥነ ፡ ምግባሩ ፡ ወሃይማኖቱ ፡ ፡ ወ
 አልበሶ ፡ አልባሰ ፡ ምንኩስና ፡ ወይቤሎ ፡
 ይባርክ ፡ እግዚአብሔር ፡ አስኬማከ ፡ በከ
 መ ፡ ባረከ ፡ ላዕለ ፡ አባ ፡ እንጠንዮስ ፡ ወአ

ባ : መቃርስ : አበውዮ ። ወእምድኅረ : አ
 ልበሶ : አባ : ጳጵሚስ : ሰመዮ : ዘሚካኤ
 ል : ወከኖ : ወልዶ : ምእመነ : ዘከመ : አ
 ምሳሊሁ : ወወልደ : ፲ ወ፱ ዓመት : እም
 አመ : ተወልደ : እስከ : አመ : ነሥአ :
 አስኬማ : ቅድስተ ። ወነበረ : በጾም : ወበ
 ጸሎት : በዐቢይ : ትጋህ : ወብብዙኅ : ጽ
 መና : እስመ : መፍቀሬ : ጽድቅ : ውእ
 ቱ ። ወተሰምዐ : ዜናሁ : በኩለሂ : ወበኩ
 ሉ : አህጉር : እስከ : ሮም : ሀገረ : አቡሁ ።።
 ወዓዲ : ኅለይኩ : እንግር : እንዘ : እብል :
 እፎ : እክል : አነ : ድኩም : ወፅቡስ : ኅሊ
 ና : ከመ : እዜነ : ኩሎ : ገድለ : ዚአሁ ፤
 መነ : ይክል : ነገረ : ጸማሁ : ወትዕግሥ
 ቱ : አይ : ልቡና : ወአይ : ልሳን : ወአይ :
 ከናፍር : ዘይክል : አብጽሐተ : ገድሉ :
 ወፈጽሞ : ጸማሁ ፤ በከመ : ይቤ : ዳዊት :

ብዙኅ : ሕማሞመ : ለጸድቃን ፤ ወካዕበ :
 ይብል : ሐዋርያ : ኅዳጠ : ሐሚመክመ :
 ውእቱ : ይፌጽም : ለክመ ። ። ።
 ወሰሚያመ : ከመ : ለብስ : አልባስ :
 ምንኩስና : አቡኅ : ዘሚካኤል : ወመነነ :
 ዓለመ : በእንተ : ክርስቶስ : እንዘ : ሕፃን :
 ውእቱ : መጽኑ : ኅቤሁ : ቅዱሳነ : ሮም :
 አባ : ሊቃኖስ : ዘቀስጥንጥንያ : ወአባ :
 ይምዓታ : እምሀገረ : ቆስያት : ወአባ :
 ጽሕማ : እምአንጾኪያ : ወአባ : ጉባ : እም
 ቂልቅያ : ወአባ : አፍጼ : እምእስያ : ወ
 አባ : ጳንጠሌዎን : እምሮምያ : ወአባ : አ
 ሌፍ : እምቂሳርያ ። ወበጽሐ : ኅበ : ሀለ
 ወ : አባ : ጳጵሚስ : ወዝንቱ : አቡነ : ዘ
 ሚካኤል ። ወሶበ : ርእዮመ : ለአኅዊሁ :
 ተፈሥሐ : በመንፈሱ : ወተአምኑ : ወተ
 ሓቀፉ : ወተሳዕመ : በበይናቲሆመ :

ወይቤልዎ : ለአባ : ጳጳራዊ : አልብሰን :
 አስኬማ : ዘመነካሳት : ለነኒ : ኦአባ : ክቡ
 ር : ወይቤሎሙ : ትክለኑ : አውሎድዮ :
 ጸዊረ : አርዑተ : ምንኩስና : እስመ : ዕጹ
 ብ : ወክቡድ : ውእቱ :: ወይቤልዎ : እወ :
 ንክል : እግዚአብሔር : ይረድክን : በጸሎ
 ትክ : ዝሕፃን : ዘኮነን : መርሐ : ውስተ :
 ዛቲ : አንቀጽ : ከመ : ንባእ : ለነኒ : ከማ
 ሁ : አልብሰን : አአባ :: ወሶቤገ : አልበሶ
 ሙ : አልባሰ : ምንኩስና : ወባረክ : ላዕሌ
 ሆሙ : ወሰመዮሙ : አስማቲሆሙ : ዘለ
 ለ፩፩ : ወነበሩ : ኅቡረ : ጅአኅው : ምስለ :
 መምህሮሙ : አባ : ጳጳራዊ : ብዙኅ : ዓ
 መታተ : እንዘ : ይተመሀሩ : ግብረ : ምን
 ኩስና : ወሥርዐተ : ማኅበር : በብዙኅ :
 ጸማ : ወትጋህ : በአርምዎ : ወበትዕግሥ
 ት : ወአትሕቶ : ርእስ :: ወይቤልዎ : ለአ

ቡን : ቅዱስ : ዘሚካኤል : ብፅግን : ለከ :
 ዘኮንከን : መርሐ : ኅብ : ዛቲ : ፍኖት : ከመ :
 ኄር : ኖላዊ : ዘየዐቅብ : መርጫቶ :: ወበ
 እንተዝ : ተሰምዮ : አረጋዊ : በእንተ : ጥ
 በቡ : ወምክሩ : እንዘ : ንኡስ : ውእቱ :
 እንከ : በአካለ : ሥጋ : ምሉአ : አእምሮ :
 ወሞገስ : ወውፋዮ : ጸጋ :: ወአመ : በጽ
 ሐ : ጊዜ : ፍልሰቱ : ለአባ : ጳጳራዊ : ጸ
 ውዎ : ለቴዎድሮስ : ወልዱ : ወአኅዘ : ጽ
 ሕሞ : ወይቤሎ : አዕፅምትዮ : ለእመ : ኅ
 ብኡ : አውዕእ : እምህዮ :: ለቴዎድሮስ :
 መሰሎ : ዘይቤሎ : ከመ : ኢይኅድግ : ሥ
 ጋሁ : ኅብ : ቀበሩ : አላ : ከመ : ያፍልሶ :
 ኅብ : ካልእ : ገጽ : በጽሚት :: ወቦ : በ
 ዕድኒ : ዘአዘዘ : ብዙኅ : ከመ : ይዕቀቦ
 ሙ : ለአኅው : በሥርዐተ : ማኅበር : እን
 ተ : ነበሩ : ቀዳሙ :: ወይቤሎ : ቴዎድሮ

ስ : ሠናዩ : ኦአቡዩ : ዘትቤለኒ : እገብር :
 ለከ : ኩሎ : ዳእመ : ጸሊ : በእንቲአዩ :
 ኅበ : አምላክክ : ከመ : ይዕቀበኒ : በሥር
 ዐትከ : ወበሕግክ :: ወይቤሎ : አባ : ጳኩ
 ሚስ : ተአመን : በሕቱ : ኩሉ : ይትገበር :
 ለከ : አወልድዩ : ወሶቤሃ : ወፅአት : መን
 ፊሉ : ቅድስት : እንዘ : ትትቀነይ : ለእግ
 ዘ.አብሔር : አመ ፲ ወ ፪ : ለግንቦት : በሀ
 ገረ : ጽርዕ : በሰላመ : እግዚአብሔር : ጸ
 ሎቱ : ወበረከቱ : ወምሕረተ : አምላኩ :
 ለአቡነ : ጳኩሚስ : አባ : መነኮሳት : የሀ
 ሉ : ምስሌነ : ለዓለመ : ዓለም : አሜን ::
 ለቴዎድሮስ : ወለአባ : አርሴስኒ
 ዩ : ረሰይዎመ : አባ : ህዩንቴሀ : ለአ
 ባ : ጳኩሚስ : ለምኔታት : ወፊድፋደ
 ሰ : አፍቀርዎ : ለአባ : ቴዎድሮስ : እስ
 መ : ምእመን : ወ-አቱ : በኅቤሆመ : ቃሉ

ኒ : ምሉአ : ሞገስ : ወይፌውስ : ነፍሰ :
 ብዙኃን : ወተፈሥሐ : አኅው : እስመ :
 ረከቡ : ሠናዩ : ረአዬ : ዘይክል : ዐቂባ :
 ሥርዐተ : ማኅበር : በከመ : ሥርዐተ : ሕ
 ገ : መምህሮመ :: ወለእሉኒ : ቅዱሳን :
 ጌ አኅው : ርአዩ : ሥነ : ጽድቆመ : ወ
 ፍቅሮመ : በበይናቴሆመ : አፍቀሮመ :
 ፊድፋደሰ : ለብፀ-ዕ : አቡነ : ዘሚካኤ
 ል : እስመ : የአምር : እምቅድም : ኩሎ :
 ሥነ : ምግባሩ : ወነበሩ : ኅቡረ : በጾም :
 ወበጸሎት : በከመ : ያለምዱ :: ወእምዝ :
 መጽአት : እመ-ኒ : እድና : ሶባ : ሰምዐ
 ት : ዜና : ወልዳ : ወነገርዎ : በእንቲአሃ :
 ወይቤልዎ : መጽአት : ንግሥት : እድና :
 እምከ : ወነዓ : ሑር : ወተራከባ :: ወአ
 ውሥአ : ወይቤሎመ : አንሰ : ኢየሐው
 ር : ኅበ : እምዩ : እስመ : ተፈለጥኩ : እ

ምኔሃ : በእንተ : ክርስቶስ : ወይቤሎ :
 አባ : ቲዎድሮስ : ሐር : ፍጡን : ኅባ : እ
 ምክ : እስመ : መጽአት : እምርሐቅ : ብ
 ሐር : በእንቲአከ : ወይቤሎ : ለአባ :
 ቲዎድሮስ : ኢሰጣዕከን : ዘይቤ : ወንጌ
 ል : ቅዱስ : ወይቤልዎ : ለእግዚእነ : ነያ :
 እምክ : ወአኅዊከኒ : የኅሥሠክ : ወይ
 ቀውሙ : አፍአ : ወይቤሎሙ : እግዚእነ :
 ኢየሱስ : እለ : መኑ : እሙንቱ : እምየ :
 ወአኅወየ : ወአኃትየ : ዘእንበለ : ዘገብ
 ረ : ፈቃዶ : ለአቡየ : ዘበሰማያት : ወበ
 እንተዝ : ኢይክል : ሐዊረ : ወለአከት :
 እሙኒ : እድና : እንዘ : ትብል : ተዘከር :
 ወልድየ : እንተ : ጸርኩከ : በከርሥየ : ፱
 አውራኅ : ወሐፀንኩከ : በአጥባትየ :
 ኢትመንነኒ : በእንተ : ኅጢአትየ : አወ
 ልድየ : አምሐልኩከ : በእግዚአብሔር :

በዙኅረየክ : ለርስቱ : አርእየኒ : ገጸክ : ወ
 ሰአልዎ : ወይቤልዎ : ኢትግበር : አአ
 ባ : አሆ : በላ : ለእምክ : ዘመጽአት : ገዲ
 ፋ : ብዕለ : ወክብረ : ተዘከር : ዘረከባ : ሀ
 ፈ : ወድካመ : እምርሐቅት : ፍኖት : ወ
 ሐረ : ኅቤሃ : ፍጡን : ወተራከባ : ወይቤ
 ላ : በእንተ : ምንት : መጸእኪ : እእምየ :
 ወትቤሎ : እሙ : አነኒ : መጸእኩ : ከመ :
 እልበስ : አልባሰ : ምንኩስና : ከማክ : ወ
 ተፈሥሐ : ወእቱኒ : ሶበ : ሰምዐ : እምእ
 ሙ : ዘትቤ : እሉበስ : አልባሰ : ምንኩ
 ስና : ወገብአ : ፍጡን : ወነገሮ : ለአባ : ቲ
 ዎድሮስ : ወአልበስዎ : አልባሰ : ምንኩስ
 ና : ወአንበርዎ : ምስለ : እሙ : ለአባ : ቲ
 ዎድሮስ : እስመ : ይእቲሰ : ነበረት : ቀዲ
 ሙ : ምስለ : መነኮሳት : ለቢሳ : አልባሰ :
 ምንኩስና : ወእኅቱ : ለአባ : ጳኩሚስ : ሀለ

ወት : እመ : ምኔት : ለአኃት : ወይእቲ :
 መካን : ንስቲት : ርሕቅት : እምኔተ : አኅ
 ው : ወይእቲሰ : ኮነት : እሞን : ለብዙኃት :
 መነኮሳይያት :: ወ፩እንክ : አረጋዊ : ፈራ
 ሄ : እግዚአብሔር : ዘስሙ : ጴጥሮስ : ሜ
 ሞ : ከመ : የሐውዳን : ለአኃት : እስመ : ጠ
 ቢብ : ወማእምር : ውእቱ :: ወእመቦ : እም
 ውስተ : መነኮሳት : ዘመጽአት : እሙ : አ
 ው : እኅቱ : አው : እምአዝማዲሆሙ : ይ
 ፊንውዋ : ኅቤሆን : ምስለ : ጴጥሮስ : አረጋ
 ዊ :: ወከማሁ : ይእቲኒ : እድና : እመ : አ
 ቡን : ዘሚካኤል : ነበረት : እንዘ : ትትሜ
 ሀር : እምኔሆን : ወኮነት : መሥመሪተ : ለ
 እግዚአብሔር :: :: ::

ወውእቱሰ : አቡን : ዘሚካኤል : ዘተ
 ሰምዩ : አረጋዊ : ነበረ : ከመዝ :: ቦ :
 አመ : ይትለአክ : ለአኅዊሁ : ወቦ : አ

መ : ይትለአክ : ለቤተ : ማኅበር : ወቦ :
 አመ : ይትለአክ : ለቅዱስ : ቴዎድሮስ :
 መምህሩ :: ወልሀቀ : በጾም : ወበጸሎት :
 ወበተሐርሞታት : ኅብዙኃት : ወይሜሀር :
 እምዘ : ተምሀረ : ለአኅዊሁ : ወነበሩ : ኅ
 ቤሁ : ለአቡን : ቴዎድሮስ : መጠነ : ፯ ዓ
 መት :: ወአቡነሰ : አባ : ይስሐቅ : ዘውእ
 ቱ : ገሪማ : አሁሎ : ምስሌሆሙ :: ወእም
 ዝ : ኅለዩ : ከመ : ይግብአ : ውስተ : ሀገ
 ሮሙ : ወተሰናአሉ : ምስለ : አቡሆሙ : ቴ
 ዎድሮስ : ወምስለ : አባ : አርጴስንዩ :
 ወምስለ : ስሎሙ : ማኅበረ : ቅዱሳን :
 ፍቁራን : አኅው :: ወአስተፋነውዎሙ :
 በሰላመ : እግዚአብሔር : ወበጽሐ : ሮም
 ያ : ሀገረ : ሙላደ : ሥጋሆሙ :: ወነበሩ :
 ኅዳጠ : መዋዕለ : በዐቢይ : ትጋህ : ወበ
 ጽሙና : ወበጸሎት : ብዙኅ : እንዘ : ይገ

ብሩ : ተአምራተ : ወመንክራተ ። ወሚጥ
 ዋ : ለሀገረ : ሮምያ : ኅብ : ሃይማኖት : ር
 ትዕት : እንተ : ተመሀርዋ : እምአበዊሆ
 ሙ : ቅዱሳን ። ወካዕበ : ሰምዑ : ወረከቡ :
 እመጸሐፍት : ቅዱሳት : ዘከመ : ወሀባ : ከ
 ዳነ : ለእግዝእትነ : ማርያም : ከመ : ይኩ
 ንዋ : ዓሥራተ : ምድረ : አዜብ : እለ : ይገ
 ብሩ : ተዝክራ ። ወሕዝባኒ : የዋሃን : እመ
 ንቱ : ወነገሥታኒ : ርቱዓነ : ሃይማኖት ።
 ወእቱሰ : ቅዱስ : አቡነ : አረጋዊ : ይሚ
 ሀር : ለኩሉ : ቃለ : ሃይማኖት : እስመ :
 ወእቱ : ቅሱም : በጌወ : መለኮት : ወጥ
 ዑም : ቃሉ : ወፈድፋድ : ጠቢብ : ወማ
 እምር : ወዕቁም : ኅሊናሁ : አዕይንቲሁ
 ኒ : ርቱዐ : ይኔጽራ : ወይፈቅድ : ኩሉ :
 ሰብእ : ይትመራሕ : እንቲአሁ : ፍኖተ :
 እስመ : ኢይፈቅድ : ለባሕቲቱ : አላ : ለ

ኩሉ : ይኔሊ ። ወተነድፈ : ልቡ : በፍቅ
 ረ : እግዝእትነ : ማርያም : ወበፍቅረ :
 ይእቲ : ሀገር ። ። ። ።
 ወእምዝ : ወፅአ : በሌሊት : እንበለ : የ
 እምሮ : ሰብእ : ምስለ : ፪ አርዳኢሁ : እን
 ዘ : ይመርሐ : ቅዱስ : ሚካኤል : ወይጸው
 ሮ : በክነፊሁ : ወኡባጽሐ : ፍጡነ : ሀ
 ገረ : አክሱም : ኅብ : ሀለዉ : ንጉሥ : ወ
 ጳጳስ ። ወርእየ : ኩሎ : ኑባሬ : ሥርዐታ :
 ወእምነታ : ለይእቲ : ሀገር : እንተ : አም
 ነት : ዘእንበለ : ሐዋርያት : ወፍጡነ : ገብ
 አ : ለሮምያ : እምድኅረ : ነበረ : ኅዳጠ :
 መዋዕለ : ወዜነዎሙ : ለኡኅዊሁ : ወነገ
 ሮሙ : ኩሎ : ዘርእየ : በአዕይንቲሁ ። አኅ
 ዊሁኒ : ሶበ : ሰምዑ : እምቃለ : አፉሁ :
 ተፈሥሐ : ዐቢየ : ፍሥሐ : ወተባሀሉ :
 በበይናቲሆሙ : ንሐር : ንሕነኒ : ኅብ : ይ

እቲ፡ ሀገር ። ወነደ ፡ አልባቢሆሙ ፡ ለእ
 ሙንቱ ፡ ቅዱሳን ፡ በላህበ ፡ ሃይማኖት ፡ ዘ
 ክርስቶስ ። ወወፅኡ ፡ ፍጡን ፡ ምስለ ፡ ቈ
 ሳቀሶሙ ፡ ወምስለ ፡ ታቦቶሙ ፡ ወምስ
 ለ ፡ ካህናቲሆሙ ፡ ወምስለ ፡ ንዋዩ ፡ ቅድ
 ሳቲሆሙ ፡ ወምስለ ፡ መጻሕፍቲሆሙ ፡ ወ
 ምስለ ፡ ሁሉ ፡ ሕዝቢሆሙ ። ወበጽሑ ፡ ሀ
 ገረ ፡ አክሱም ፡ እንዘ ፡ ይመርሐሙ ፡ አቡ
 ነ ፡ ዘሚካኤል ፡ በከመ ፡ አእመረ ፡ ቀዳሚ ፡
 ፍኖታ ፡ ኅበ ፡ ሀለዉ ፡ ንጉሥ ፡ ወጳጳስ ።
 ወሶበ ፡ ርእይዎሙ ፡ ተፈሥሐ ፡ ዐበደ ፡ ፍ
 ሥሐ ፡ ወአፍቀርዎሙ ፡ ፈድፋድ ፡ በእን
 ተ ፡ ሃይማኖቶሙ ፡ ወሥነ ፡ ጽድቆሙ ።
 ወኮነ ፡ ፀአቶሙ ፡ ለእሙንቱ ፡ ቅዱሳን ፡ በ
 ኃምስ ፡ ዓመተ ፡ መንግሥቱ ፡ ለአልዓ
 ሚዳ ፡ ወልደ ፡ ሰልዓዶባ ፡ ዘውእቱ ፡
 ሳድስ ፡ ንጉሥ ፡ እምአብርሃ ፡ ወአጽብሐ ።

ወበዓመተ ፡ ወፅኡ ፡ ፳ ቅዱሳን ፡ ለአኩ ፡
 ኅቤሁ ፡ ለይስሐቅ ፡ ሮምያ ፡ እስመ ፡ ያፈ
 ቅርዎ ፡ ፈድፋድ ፡ ወቅሩሰሙ ፡ ውእቱ ፡ በ
 ሥጋ ፡ ወዘመደ ፡ መንግሥት ፡ ዙሎሙ ፡
 ወወልደ ፡ እንቱ ፡ ለአቡነ ፡ ዘሚካኤል ፡
 ውእቱ ፡ አቡነ ፡ ይስሐቅ ። ወተንሥአ ፡
 ሶቤሃ ፡ በሌሊት ፡ እምድገረ ፡ ነግሠ ፡ ፯ ዓ
 መተ ፡ ወጳሮ ፡ ገብርኤል ፡ በክነፊሁ ፡ ወአ
 ብጽሐ ፡ ሀገረ ፡ አክሱም ፡ ፍጡን ፡ ኅበ ፡ ሀ
 ለዉ ፡ ቅዱሳን ፡ ተጋቢአሙ ፡ በጊዜ ፡ ፫ ሰ
 ዓት ፡ ዘመዓልት ። ወሶበ ፡ ርእይዎ ፡ ተፈ
 ሥሐ ፡ ወተሳዐሙ ፡ በበይናቲሆሙ ፡ ወ
 ተሐቀፉ ፡ ክሳውዲሆሙ ፡ ወበከዩ ፡ ብካ
 ዩ ፡ መሪረ ፡ ወአእኩትዎ ፡ ለእግዚአብሔ
 ር ፡ እንዘ ፡ ይብሉ ፡ ስብሐት ፡ ለከ ፡ እግዚ
 ኦ ፡ አኩቴት ፡ ለመንግሥትከ ፡ ዘአስተጋ
 ባእከነ ፡ እምሁለሄ ፡ በኒሩትከ ። ወሶቤሃ ፡

አልበስም : አስኬማ : ከማሆሙ : ወነበሩ :
 ውስተ : ቤተ : ቀጠን : አሐተኔ : ኅቡረ :
 እንዘ : ይፀመዱ : ጸሎተ ። ንጉሥኒ : ወ
 ጳጳስ : ያነክርዎሙ : ሶበ : ርእዩ : ሥነ : ጽ
 ድቆሙ : ወሣእሣእ : አፋሆሙ : ወመፀ
 ዛ : ቃሎሙ ። ወነበሩ : እንዘ : ይገብሩ :
 ተአምራተ : ወመንክራተ : ወመላእክተ :
 ሰማይ : ወትረ : ይሔወጽዎሙ : ወእግ
 ዚእነ : ወመድኅኒነ : ይትረአዩሙ : ወኢ
 ዩኅድግ : ወትረ : ሐውጸቶሙ ፤ ሙታነ :
 ያነሥኡ : ወእለ : ለምጽ : ያነጽሑ : ወአ
 ጋንንተ : ያወፅኡ : ወዕዉራን : ይሬእዩ :
 በጸሎቶሙ ፤ ወቦ : እምኔሆሙ : እለ : አ
 ፍለሱ : አድባረ : ወቦ : እለ : ከፈሉ : በሕ
 ረ : ወቦ : እለ : ዘርእዎ : ለስርፍይ : በነግሀ :
 ወበጊዜ : ሰርክ : አረርዎ : አኪዶሙ :
 ዲበ : ዕፀ : ግራር ፤ ወቦ : እለ : ተከሉ :

ዕፀ : አውልዕ : በጊዜ : ነግሀ : ወበቁለ :
 ሶቤሃ : ወኮነ : ዐቢዩ : ዕፀ : ወዩብሰ : ወ
 በጽሐ : ለጽንሐሕ : ጊዜ : ሰርክ ፤ ወቦ :
 እለ : ዐቁሩ : ማዩ : በመንፌ : ወኢተክ
 ዕወ : ማዩ ፤ ወቦ : እለ : ተገንዙ : እም
 ኔሆሙ : በእደ : መላእክት : ወቦ : እለ :
 አብርሀ : እምኔሆሙ : ዐሥሩ : አጸብዒሆ
 ሙ : በጊዜ : ጸሎት ፤ ወቦ : እለ : ተከብቱ :
 እምገጸ : ሞት : በጸጋ : እግዚአብሔር ። ወ
 ተቀደሰት : ምድር : በኪደተ : እገሪሆሙ :
 ወተሐደሳ : አዕጻዳቲሃ : በአንሶስዎቶሙ :
 ወተክዕወ : ውስተ : አድያሚሃ : መዐዛ :
 ቃሎሙ : ወአስተጻንዑ : መሠረተ : እምነ
 ታ : ለኢትዮጵያ : በበአቶሙ : ውስቴታ ፤
 ጸሎቶሙ : ወበረከቶሙ : ወጸማ : ንግደቶ
 ሙ : የሀሉ : ምስሌነ : ለዓለመ : ዓለም : አ
 ሚን ። ወእምዝ : ሞተ : አልዓሚዳ : ንጉሥ :

በ፫ ዓመት : እምዘ : ወፅኢ : ወበከይዎ :
 እሉ : ቅዱሳን : ወኩሉ : ሕዝብ : ወቀበር
 ዎ : ውስተ : መቃብረ : ነገሥት : በክብር ::
 ወነግሠ : ታዜና : አቡሁ : ለካሌብ :: ወነበ
 ፋ : ውስተ : ቤተ : ቀጠን : አማኅቢሮ
 ሙ : እንበለ : ተፈልጦ : እንዘ : ያርእዩ :
 ሥነ : ጽድቆሙ : ከመ : ከዋክብት : ብሩ
 ሃን : እለ : ያንበለብሉ : በገጸ : ሰማይ : ወ
 ከመ : ዕፀወ : ገነት : ምዑዛን : ዘዘዚአሁ :
 ሥነ : ጽጌሁ : ወዘዘዚአሁ : አስካለ : ፍሬ
 ሁ : ብዙኅ : ተአምረ : ወመንክረ : ይገ
 ብሩ : በጸሎቶሙ : ሐንካሳን : ይረውዱ :
 ወበሃማን : ይትናገሩ : ወጽሙማን : ይ
 ሰምዑ : ወመኃትው : ይወርዱ : ዲበ : ማ
 እድሙ : ዘይበርህ : እምነ : ፀሓይ : ወኢ
 ይጥዕሙ : እክለ : ዘእንበለ : በሰንበተ : ክ
 ርስቲያን : ወቦ : አመ : ይጸውሙ : በበ

ሰኑይ : ወበበረቡዕ : ወበቡኅሙስ :: ወነ
 በሩ : ከመዝ : ኅቡረ : መጠነ : ፲ ወ ፪ : ዓ
 መት : ወእሙኒ : እድና : ነበረት : አንጻረ :
 ጎሮሙ : ምስለ : መነኮሳይያት : እለ : ከ
 ማሃ : እለ : ወፅኢ : ምስሌሃ :: ወለውእቱ
 ሰ : አቡነ : አረጋዊ : ረሰይዎ : መክብብ
 ሙ : ወአፍቀርዎ : ከመ : አቡሆሙ :: ወ
 አክበርዎ : ከመ : አምላክሙ : ወሰመይ
 ዎ : ስሞ : አረጋዊ : ጠቢብ : ወማእምር :
 ብሂል : በእንተ : ዘከኖሙ : መርሐ : በ
 ፍኖት : ከመ : ጴጥሮስ : መርሐ : ሐዋር
 ያት :: ወበሳድስ : ዓመተ : መንግሥቱ : ለ
 ታዜና : ኅለዩ : ወይቤሉ : ንዑ : ንትፈለ
 ጥ : በበይናቲነ : ዝሰ : ንብረተ : ተድላ :
 ውእቱ : ወይመስለነ : ዘሀለውነ : ውስተ :
 ሀገርነ : ሰበ : ንትረአይ : ለለ፩፩ :: ወበከ
 ዩ : ብካዩ : መሪረ : ወተሌለዩ : በበይናቲ

ሆሙ ፤ አባ ፡ ሊቃኖስ ፡ ኅበ ፡ ደብረ ፡ ቁ
 ናጽል ፡ ወአባ ፡ ጳጳሳዊዎን ፡ አንጸረ ፡ ዘ
 አሁ ፡ መጠነ ፡ ፪ ምዕራፍ ፤ ወአባነ ፡ ይስ
 ሐቅ ፡ ዘውእቱ ፡ ገሪማ ፡ መደራ ፤ ወአባ ፡ ጉ
 ባ ፡ አንጸረ ፡ መደራ ፡ መጠና ፡ ፫ ምዕራፍ ፤
 ወአባ ፡ ጽሕማ ፡ ጌድያ ፤ ወአባ ፡ ይምዓ
 ታ ፡ ገርዓልታ ፤ ወአባ ፡ አሌፍ ፡ አሕስዓ ፡
 እንተ ፡ ትሰመይ ፡ ብሕዛ ፤ ወአባ ፡ አፍጼ ፡
 ያኃ ፤ ዝንቱሰ ፡ አባነ ፡ አረጋዊ ፡ ወፅአ ፡ ለ
 ብሔረ ፡ ምሥራቅ ፡ እንተ ፡ ትሰመይ ፡ እገ
 ላ ፡ ዘምሕዋረ ፡ ፪ መዋዕል ፡ ለኅያል ፡ ረ
 ዋጺ ፡ ወምስሌሁ ፡ እሙ ፡ ዘምስለ ፡ ማት
 ያስ ፡ ረድኡ ፡ ወእንዘ ፡ የሐውሩ ፡ በፍኖ
 ት ፡ በጽሑ ፡ ኅበ ፡ መካን ፡ እንተ ፡ ትሰመ
 ይ ፡ መድኅኒት ፡ ወቤቱ ፡ ህየ ፡ እስመ ፡ መ
 ስየ ፡ ብሔር ፡ ወነበረ ፡ ኅቤሃ ፡ መጠነ ፡ ፯ ዕ
 ለት ፡ ወሰብአ ፡ ይእቲ ፡ ሀገር ፡ ፀዋጋን ፡ እ

ሙንቱ ፡ ወፀረፉ ፡ ላዕሌሁ ፡ ወጸዐልዎ ፡
 ወውእቱኒ ፡ ረገሞሙ ፡ እንዘ ፡ ይብል ፡ ት
 ረድ ፡ እሳት ፡ እምሰማይ ፡ በሌሊት ፡ ወ
 ያጥፍእ ፡ ፍሬ ፡ ምድርክሙ ፤ ወኢሐጸ ፡
 ወሪዶ ፡ አስሐትያ ፡ ላዕሌሃ ፡ እስከ ፡ ዛቲ ፡
 ዕለት ፡ ለአሐቲሰ ፡ ሀገር ፡ እንተ ፡ ቅሩባ ፡
 ባረከ ፡ ላዕሌሃ ፡ ወኅተማ ፡ በትእምርተ ፡
 መስቀል ፡ እንዘ ፡ ይብል ፡ ኢይትኅጣእ ፡
 እምኔኪ ፡ ፍሬ ፡ ምድር ፡ ወኢሰብእ ፡ እ
 ለ ፡ የኅድሩ ፡ ወስቲትኪ ፤ ወይኩነ ፡ ብ
 ዑላነ ፡ ወእለ ፡ በሙ ፡ ሞገስ ፡ ወይትረአዩ ፡
 አልህምቲሆሙ ፡ እምርሐቅ ፡ ወአባግዒ
 ሆሙ ፡ ይትዋለዳ ፡ ብዙኅ ፡ በሙፋሪሆን ፡
 ወኢይትረከብ ፡ በላዕሌኪ ፡ ዐባረ ፡ እክል ፡
 ወኢሕጸተ ፡ ማይ ፡ ወሣዕር ፡ ለእንስሳ ፡
 ወእቱሰ ፡ ባረከ ፡ አእሚር ፡ ከመ ፡ ትከውን ፡
 ተዝከረ ፡ ለርስቱ ፡ እምቅድመ ፡ ይኩን ፡ ለ

ደኃሪ ፡ መዋዕል ፡ ወበእንተዝ ፡ ባረካ ፡ ለት
 ውልደ ፡ ትውልድ ፡ እስከ ፡ ለዓለም ። ወ
 ሕቀ ፡ ኅሊፎ ፡ ረከበ ፡ ፩ ብእሴ ፡ ዘበ ፡ ጋኔ
 ን ፡ ወየዐውድ ፡ በድወ ፡ ወከልሐ ፡ በዐቢ
 ይ ፡ ቃል ፡ እንዘ ፡ ይብል ፡ ብእሴ ፡ እግዚአብ
 ሔር ፡ ቅዱስ ፡ መጻእከኑ ፡ ታጥፍኦኒ ፡ በጸ
 ሎትከ ፤ ወዐተቦ ፡ በትእምርተ ፡ መስቀል ፡
 ወይቤሎ ፡ ኦርምም ፡ ወኦርመመ ፡ ሶቤሃ ፡
 ወኢነበበ ፡ ወተፈፀመ ፡ ወወፅኦ ፡ ጋኔን ፡
 እምኔሁ ፡ ወኦንሥኦ ፡ በእዴሁ ፡ ወሕይ
 ወ ፡ ሶቤሃ ፡ ወይቤሎ ፡ ሔር ፡ ውስተ ፡ ሀ
 ገርከ ፡ ወኦእኩቶ ፡ ለእግዚአብሔር ፡ በእን
 ተ ፡ ዘኦሕየወከ ። ወወድቀ ፡ ታሕተ ፡ እ
 ገሪሁ ፡ ለኦቡን ፡ ብእሴ ፡ እግዚአብሔር ፡
 ኦረጋዊ ፡ ወይቤሎ ፡ ኢይትፈለጥ ፡ እም
 ኔከ ፡ ለዓለም ፡ እስመ ፡ ፈወስከኒ ፡ እምደ
 ዌየ ፡ ዘነበርኩ ፡ እንዘ ፡ እሣቀይ ፡ መጠነ ፡

፯ ዓመት ። ወጠብዐ ፡ ወተለዎ ፡ ወኮነ ፡
 ረድኦ ። ወሶበ ፡ ርእዩ ፡ ሰብኦ ፡ ሀገር ፡ እ
 ንዘ ፡ ይገብር ፡ ተኦምረ ፡ ወመንክረ ፡ ተ
 ጋብኡ ፡ ኅቤሁ ፡ ባቢይ ፡ ወንኡስ ፡ እስከ ፡
 ኢያበውሕዎ ፡ ይሔር ፡ ፍኖተ ፡ እምፃዕ
 ቀ ፡ ሰብእ ። ወኅሊፎ ፡ ካዕበ ፡ እምሀየ ፡
 ኦሪፈ ፡ ታሕተ ፡ ጽላሎተ ፡ ያም ፡ እንተ ፡
 ስማ ፡ ኦውልዐ ፡ ማኅበር ፤ ወይእቲ ፡ ምዕ
 ራፈ ፡ ቅዱሳን ፡ እስከ ፡ ዮም ። ወሰገደ ፡ ሥ
 ልሠ ፡ ሶበ ፡ ርእዩ ፡ ለቅድስት ፡ መካነ ፡ ዳ
 ሞ ። ወወሪዶ ፡ ካዕበ ፡ በጽሐ ፡ ኅበ ፡ ጽ
 ንፊ ፡ ፈለግ ፡ ወመጽኦ ፡ ኅቤሁ ፡ ፩ ብእ
 ሴ ፡ ወይቤ ፡ ምንትኑ ፡ ውእቱ ፡ ዝንቱ ፡
 ገብኤ ፡ ወእለ ፡ መኑ ፡ እመንቱ ፡ እሉ ። ወ
 ይቤልዎ ፡ ዝንቱ ፡ ኦቡን ፡ ኦረጋዊ ፡ እምነ ፡
 ቅዱሳን ፡ እለ ፡ ወፅኡ ፡ እምሮም ፡ ወእንዘ ፡
 ዮነልፍ ፡ እምሀገርነ ፡ ይፌውስ ፡ ድውያነ ፡

ወያወፅእ : አጋንንተ ፤ ወሰሚያ : ውእ
 ቱ : ወሬዛ : ጎዮ : ውስተ : ቤቱ : ወአም
 ጽአ : ወልዶ : ድውዮ : ጸዊሮ : በዐራት : ወ
 አንበሮ : ታሕተ : እገሪሁ : ወይቤሎ : ፈው
 ሶ : ለወልድዮ : ተማኅፀንኩ : በጸሎትከ : አ
 አባ ። ወይቤሎ : አቡን : አረጋዊ : እግዚእ
 ነ : ኢየሱስ : ክርስቶስ : ያንሥአ : ወያሕ
 ይዎ ፤ ወሐይወ : ሶቤሃ : ፊሮጸ : በእገሪሁ :
 ወሐረ : ምስሌሆሙ : እንዘ : ይህግር : ወ
 ዘንተ : ሶበ : ርእዩ : ሰብአ : ሀገር : አን
 ከሩ : ወተደሙ : እስመ : አልበ : ዘርእዩ :
 ቀዲሙ : እምሀገሮሙ : ዘደፌውስ : ድ
 ውያነ : ወዘያወፅእ : አጋንንተ ። ወበእን
 ተዝ : ተፈሥሑ : ወገብሩ : ይበቤ : እስመ :
 ረከቡ : ዕንቁ : በሕርይ : ክቡረ : ወኢያብ
 ሕዎ : ይሑር : እምብዝነ : ፍቅሮሙ ።
 ወንስተተ : ኅሊፎ : በጽሐ : ኅበ : ከኩ

ሕ : እንተ : ተሰመይ : ምስንጉ : ወበህዩ :
 ቀዊሞ : ነጸራ : ወርእያ : ለቅድስት : መካ
 ነ : ዳሞ : ወበላዕሌሃ : ለንዲር : አደሞ :
 ወነደ : ልቡ : በፍቅራ ። ወበጽሐ : ፍጡ
 ነ : ውስተ : አግዋሪሃ : ወርእዩ : እንተ :
 ኅበ : የዐርግ : ወኢረከበ : ወዎደ : ኩለን
 ታሃ : ለይእቲ : ደብር : ወነጥአ : ምዕራ
 ገ : ወይቤ : እስመ : ዛቲ : ይእቲ : መፍ
 ቅድዩ : ከመ : እንበር : ኅቤሃ : ወነግእኩ :
 ምዕራገ : ውስቲታ ። ወዘንተ : ብሂሎ : ሐ
 ረ : ኅበ : ካልእ : ተያጥሮን : ዘምጡቅ : ደ
 ብሩ : ጸድፋኒ : ነዊኅ : ውእቱ : ዘይብል
 ዎ : ስቅራ : ወረከበ : በህዩ : ንስተተ :
 አንቀጸ : ሙባእ : ወዐርገ : ዲቤሃ ። ወሶ
 በ : በጽሐ : ጊዜ : ሰርክ : ነሥአ : አሐተ :
 ጸሪቀ : ኅብስት : ባረከ : ላዕሌሃ : ወበል
 ዐ : ወኢያትረፈ ። ለቅዱስሰ : አቡን : አረ

ጋዊ : ይትሐዘበ : ልቡ : ከመ : ኢኮነት : እ
ንቲአሁ : ወኢሠምረ : ቦቱ : እግዚአብሔ
ር : ለጎዲር : ውስቴታ ። ወቤተ : ሁላ : ሌ
ሊተ : እንዘ : ይገብር : ጸሎተ : በከመ :
ያለምድ : እስመ : ትጉሀ : ውእቱ : ከመ :
መላእክት ። ወበሳኒታ : ወረደ : ወሐረ :
ኅበ : ካልእ : ተያጥሮን ፤ ኪያሁሰ : በዐ
ቅም : ጸድፉ ፤ ዘይትበህል : ምንግርጋር :
ወወዐለ : ዲቤሃ : እንዘ : ይገብር : ጸሎ
ተ : እስከ : ሰርክ ። ወአምጽአ : አሐተ :
ጸሪቀ : ኅብስት : ወባረከ : ወበልዐ : ወኢ
ያትረፈ : ወአእመረ : ከመ : ኢኮነት : ክ
ፍሉ : ኪያሃኒ ። ወቤተ : ህዩ : ሁላ : ሌሊ
ተ : እንዘ : ይገብር : ጸሎተ ። ወሶበ : ጸ
ብሐ : ሐረ : ኅበ : ደብር : ዘይሰመይ : መ
ኃዝ : ወውእቱኒ : ጸድፍ : ከመ : ቀዳሚ :
አናቅጽ : ቦቱ : ወሶበ : ኮነ : ጊዜ : ሰር

ክ : ነሥአ : ኅብስት : ባረከ : ወበልዐ : ወ
ኢያትረፈ ። ወአኮ : እንበይነ : ምክንያ
ተ : መብልዕ : ዘገብረ : ዘንተ : እስመ : ኢ
ይበልዕ : ዘእንበለ : በጎሙስ : ዕለት : ዳ
እመ : ከመ : ይርአይ : ኅበ : ይወርድ : በ
ረከት : ወበህዩ : ከመ : ይረሲ : ማኅደ
ሮ ። እግዚአብሔርሰ : ያአምር : ዘይገብ
ር : ሁሎ : ወዘይሁቦ : ከመ : ትኩኖ : ም
ዕራፈ : ለርስቱ ፤ ዛቲ : ይእቲ : ደብረ : በ
ረከት : መካነ : ዳሞ ። ወወረደ : እምነሃ :
ወይቤ : እትመዩጥ : ይእዜሰ : ኅበ : ዘቀዲ
መ : እስመ : አደመኒ : ኅቤሃ : ለነቢር :
እግዚአብሔርኒ : አምላኪያ : ይፈኑ : ሊ
ተ : ረድኤተ : በዘአዐርግ : ባቲ ፤ እስመ :
ያአምር : ሁሎ : ዘሰአለ : ኅቤሁ : ይገብር :
ሎቱ ። ወአኅዘ : ይሑር : ኅበ : ደብረ : ዳ
ሞ : ወእንዘ : ዩሐውር : ረከበ : አሐተ :

ጋዋ : ይተሐዘዐ : ልቡ : ከመ : ኢኮነት : እ
 ንቲአሁ : ወኢሠምረ : ቦቱ : እግዚአብሔ
 ር : ለጎዲር : ውስቴታ : ወቤተ : ሁላ : ሌ
 ሊተ : እንዘ : ይገብር : ጸሎተ : በከመ :
 ያለምድ : እስመ : ትጉሀ : ውእቱ : ከመ :
 መላእክት : ወበሳኒታ : ወረደ : ወሐረ :
 ኅበ : ካልእ : ተያጥሮን ፤ ኪያሁሰ : በዐ
 ቅም : ጸድፉ ፤ ዘይተበሀል : ምንግርጋር :
 ወወዐለ : ዲቤሃ : እንዘ : ይገብር : ጸሎ
 ተ : እስከ : ሰርክ ። ወአምጽአ : አሐተ :
 ጸሪቀ : ኅብስት : ወባረከ : ወበልዐ : ወኢ
 ያትረፈ : ወአእመረ : ከመ : ኢኮነት : ከ
 ፍሉ : ኪያሃኒ ። ወቤተ : ህዩ : ሁላ : ሌሊ
 ተ : እንዘ : ይገብር : ጸሎተ ። ወሶበ : ጸ
 ብሐ : ሐረ : ኅበ : ደብር : ዘይሰመዶ : መ
 ኃዝ : ወውእቱኒ : ጸድፍ : ከመ : ቀዳሚ :
 አናቅጽ : ቦቱ : ወሶበ : ኮነ : ጊዜ : ሰር

ክ : ነሥአ : ኅብስተ : ባረከ : ወበልዐ : ወ
 ኢያትረፈ ። ወአኮ : እንበይነ : ምክንያ
 ተ : መብልዕ : ዘገብረ : ዘንተ : እስመ : ኢ
 ይበልዕ : ዘእንበለ : በጎመስ : ዕለት : ዳ
 እመ : ከመ : ይርአይ : ኅበ : ይወርድ : በ
 ረከት : ወበህዩ : ከመ : ይረሱ : ማኅደ
 ሮ ። እግዚአብሔርሰ : ያአምር : ዘይገብ
 ር : ሁሎ : ወዘይሁቦ : ከመ : ትኩኖ : ም
 ዕራፈ : ለርስቱ ፤ ዛቲ : ይእቲ : ደብረ : በ
 ረከት : መካነ : ዳሞ ። ወወረደ : እምኔሃ :
 ወይቤ : እትመዩጥ : ይእዜሰ : ኅበ : ዘቀዲ
 መ : እስመ : አደመኒ : ኅቤሃ : ለነቢር :
 እግዚአብሔርኒ : አምላኪያ : ይፈኑ : ሊ
 ተ : ረድኤተ : በዘአዐርግ : ባቲ ፤ እስመ :
 ያአምር : ሁሎ : ዘሰአለ : ኅቤሁ : ይገብር :
 ሎቱ ። ወአኅዘ : ይሐር : ኅበ : ደብረ : ዳ
 ሞ : ወእንዘ : የሐውር : ረከበ : አሐተ :

ንቅዑተ : ከብተሕ : እንተ : ባቲ : ማይ ። ወ
 አንበራ : ህየ : ለቅድስት : እድና : እመ :
 ከመ : ትኩን : እመ : ለብዙኃት : መነኮ
 ሳይያት ። ወሰመይዋ : ለይእቲ : ማኅደ
 ር : በአተ : ልም ፤ ቤተ : እምየ : ብሂል ።
 ወእንዘ : የሐውር : በጽሐ : ኅበ : ከብተሕ :
 ኩለንታሃ : ወአንበሩ : ሎቱ : መንጸፈ :
 ከመ : ያዕርፍ : ንስቲተ : ወከመ : ያርኢ :
 ተአምረ : በትሮኒ : አቀመ : ዲቤሃ : ወ
 ሶበ : ተንሥአ : እምኔሃ : አንሥኡ : ሎቱ :
 መንጸፈ : ማትያስ : ወእለ : ምስሌሁ : ወ
 ኮነት : ይእቲ : ከብተሕ : በአምሳለ : ኑኃ :
 ወግድማ : ለይእቲ : መንጸፍ ። ወእንዘ :
 ጸዐዳ : ይእቲ : ከብተሕ : አስተርአየት : ተ
 ሥዒላ : በአምሳለ : ዘአንበሩ : ላዕሌሃ :
 ከዊና : ቀይሐ ። በትሩኒ : ኅበ : አንበ
 ፍ : አስተርአየ : ዕመቁ : ወእስከ : ይእዜ :

ሀለወት : ለትእምርት : ወኩሉ : ዘበጽሐ :
 ኅቤሃ : ይትአምኃ : ከመ : እንተ : ዝኅር :
 በእንተ : ዕበዩ : ወክብሩ : ለቅዱስ : ወ
 ለብፁዕ : ብእሴ : እግዚአብሔር : አቡን :
 አረጋዊ ፤ ጸሎቱ : ወበረከቱ : ወትንብልና
 ሁ : የሀሉ : ምስሌን : ለግለመ : ግለም :
 አሜን ።

ወበጽሐ : ወስተ : እግረ : ሐብል :
 ወነበረ : ታሕቲሃ : እንዘ : ይትመሐለል :
 ሠሉስ : መዋዕለ : ወሠሉስ : ለያልየ ። ወ
 መጽአ : መልአከ : እግዚአብሔር : ቅዱ
 ስ : ሚካኤል : ወይቤሎ : ምንትን : ያጽ
 ህቀከ : አቅዱስ : ለእግዚአብሔር : ወይ
 ቤሎ : አቡን : አረጋዊ : እፈቅድ : እስር
 ር : ወስተ : ዛቲ : ደብር : ከመ : እትጋን
 ይ : በእንተ : ንጢአትየ : ወእትማሕለል :
 በእንተ : ጌጋይየ ። ወይቤሎ : መልአከ :

እግዚአብሔር : አከረጋዊ : ገብረ : አም
 ላክ : መናኔ : መንግሥት : ዘአፍቀርከ : ን
 ዴተ : እምብዕል : ምድራዊ : ተዘግቦ :
 ለከ : መንግሥት : ዘበሰማያት : ህየንተ :
 ዘመነንከ : ዘበምድር : ጎላሬ : አንተሰ :
 ተዐገሥ : ንስቲተ : እስከ : ይፈሬ : ለከ :
 ረድኤተ : በዘተዐርግ :: ወዘንተ : ሰሚ
 ያ : ሐዘነ : ልቡ : ወደንገፀት : መንፈሱ :
 እስመ : ተሰልበ : ልቡ : በፍቅረ : ዘአሃ :
 ወፈቀደ : ይዕርግ : ፍጡን : ጎቤሃ :: እግ
 ዚአብሔርሰ : ነዊን : መንፈስ : አርመ
 መ : ከመ : ይርአይ : ጽንዑ : ትዕግሥቱ :
 ወኢያዕረጎ : ፍጡን :: ወይቤ : አቡን : አረ
 ጋዊ : ብፁዓዊ : በምንትን : አዐርግ : ለ
 ዝንቱ : ደብር : ዐቢይ : ወኢተውህበኒ :
 ክንፍ : ከመ : ንስር : ወኢደመና : ከመ :
 ሐዋርያት : ወአስቆቀወ : ወበከየ : ብካ

የ : ዐቢይ : ወእምዝ : ካዕባ : መጽአ : መ
 ልአከ : እግዚአብሔር : ጎቤህ : ዘውእ
 ቱ : ቅዱስ : ሚካኤል : ዘይሔውጶ : ወይ
 ናዝዘ : ወትረ : ከመ : አብ : ወእም : ወይቤ
 ሎ : ኢትፍራህ : ተውህበ : ለከ : ሥልጣን :
 ቢት : ወአዕርፍ : ንስቲተ : ውስተ : ዛ
 ቲ : በዐት : እንተ : ይእቲ : መንገለ : የ
 ማነ : ሐብል : ወይፈሬ : ለከ : እግዚአብ
 ሔር : ተመነ : ዐቢይ : ህየንተ : ሐብል : ከ
 መ : ያዕርገ : ዘቆመ : ጳጳሳት :: ወነበረ :
 መጠነ : ጀሱባዔ : እንዘ : ይትመሐለል : በ
 ጶም : ወበጸሎት : ወመጽአ : ውእቱ : አ
 ርዌ : ጊዜ : ስዕግት : ወይቤሎ : ሚካኤል :
 መልአክ : ቅረብ : እስመ : መጽአ : ዘተ
 አዘዘ : ከመ : ያዕርገ : ውእቱ : ከይሱ :: ወ
 ቀርቦ : ጎቤህ : ወርእዮ : ለከይሱ : ወይቤ
 ሎ : ብፁዕ : አቡን : ዘሚካኤል : አውርድ :

ዘነበከ : ወአዕርገኒ ። ውእቱሰ : ኢያውረ
 ደ : ዘነበ : ፍጹመ : ንበ : ሀሎ : አቡን : አ
 ረጋዊ : ዳእሙ : ንበ : መገፈቀ : ጸድፍ :
 ሀሎ : ዘነቡ ። ወይቤሎ : ውእቱ : ከይሰ :
 ለአቡን : አረጋዊ : ምንት : ብከ : ውስ
 ተ : ዛቲ : ደብር ፤ ወተናገሮ : በልሳን :
 እንለ : እመሕያው ፤ ወይቤ : ስማዕ : ከ
 መ : እንግርክ ፤ አልቦ : ምንትኒ : ውስተ :
 ዛቲ : ደብር : ዘእንበለ : ሆፍ : ዘይሰርፍ :
 ኢጥብስት : ወኢማይ : ዘትሰቲ : ወኢዕ
 ዕ : ንበ : ታጸልል : ታሕቴሃ ፤ ዐሓይ : በ
 መግልት : ቍር : ወአስሐትያ : በሌሊት ፤
 እሉ : እሙንቱ : ጥሪታ : ለዛቲ : ደብር ።
 ወይቤሎ : አቡን : አረጋዊ : አውርድ : ዘነ
 በከ : ወግበር : ዘተአዘዝከ : እስመ : እግ
 ዚአብሔር : አልቦ : ዘያጥኦኦን : እምዘ :
 ፈቀድን ። ወዘንተ : ሶበ : ይቤሎ : አውረ

ደ : ዘነበ : ወሚከኤል : ሊቀ : መላእክት :
 ሀሎ : በየማነ : እኒዞ : ሰይፎ : ከመ : ኢ
 ይደንግፅ : ወከመ : ኢይግበር : ሕሡመ :
 በላዕሌሁ : ውእቱ : አርዌ ። ማትያስሰ : ረ
 ድኡ : ወአብያጺሁ : በየማነ : ሐብል : ሀ
 ለዉ : ይሬእዩ : ወያነክሩ : በከመ : ለኤ
 ልያስ : መጽኡ : አፍራሰ : እሳት : ወሰረገ
 ላ : እሳት : ወመሠጦ : ግብተ : እንዘ : ይኔ
 ጽሮ : ኤልሳዕ : ወከማሁ : አቡን : አረጋ
 ዊ : እንዘ : ይኔጽርዎ : አርዳኢሁ ። ወ
 ዐተበ : ገጸ : በስመ : ሥላሴ : ዲበ : ነ
 ፍሱ : ወዲበ : ከክተሕ : ወዲበ : አርዌ :
 ምድር : ወሶቤሃ : አኅዘ : ዘነበ : ወአዕረጎ :
 ወወፀፎ : ላዕለ : ወበጽሐ : ግብተ : ው
 ስተ : ድማሐ : ለደብር : ቅዱስ : ወሰገደ :
 ሥልሰ : ወይቤ ፤ ሃሌ : ሉያ : ለአብ ፤ ሃ
 ሌ : ሉያ : ለወልድ ፤ ሃሌ : ሉያ : ለመገፈ

ስ፡ ቅዱስ ፡ ወበእንተዝ ፡ ተብህለ ፡ ደብረ ፡
 ሃሌ ፡ ሉያ ፡ ተፈሥሐ ፡ ወተሐሥዩ ፡ ወገ
 ብረ ፡ ይበጩ ፡ በእንተ ፡ ዘዐርገ ፡ ዲቤ ፡ ደብ
 ር ፡ ወፈጸመ ፡ እግዚአብሔር ፡ ተምኔቶ ፡
 እንተ ፡ ሰአለ ፡ ሉኅዲር ፡ ውስቲታ ፡ ወ
 ይእቲ ፡ ደብር ፡ ተመልአት ፡ ብርሃነ ፡ ሦ
 ለንታሃ ፡ ወተወለጠ ፡ እርአያሃ ፡ ወተ
 ወሰከ ፡ ግርማ ፡ ወሞገሰ ፡ ወከደነ ፡ ላዕ
 ሌሃ ፡ ደመኖ ፡ ብሩህ ፡ መላእክትኒ ፡ ተጸዐ
 ቁ ፡ ከመ ፡ መደብለ ፡ ማኅበር ፡ ጽፋቅ ፡
 ወኢያዕርዑ ፡ ሐውጸታ ፡ መዓልተ ፡ ወሌ
 ሊተ ፡ ወኮንዎ ፡ አዕርክተ ፡ ወአብያጸ ፡
 ወሶበ ፡ ኮነ ፡ ጊዜ ፡ ሰርክ ፡ ነሥአ ፡ ጸሪቀ ፡
 ኅብስት ፡ ወበረከ ፡ ላዕሌሃ ፡ ወበልዑ ፡ እስ
 ከ ፡ ይከውን ፡ መንፈቀ ፡ ወጸግበ ፡ በግማ
 ሰ ፡ ኅብስት ፡ ወአእኩቶ ፡ ለእግዚአብሔ
 ር ፡ እስመ ፡ ርእየ ፡ ከመ ፡ ወረደ ፡ በረከ

ት ፡ ላዕሌሃ ፡ ለይእቲ ፡ መካን ፡ እምካልአ
 ኒሃ ፡ አድባር ፡ እለ ፡ ሐረ ፡ ቀዲመ ፡ ኅቤሆን ፡
 ወእመንቱ ፡ አኩኑ ፡ ርሐታን ፡ አላ ፡ ቅሩ
 ባን ፡ መጠነ ፡ ምስማዕ ፡ እዝን ፡ ወለይእቲ ፡
 ግማሰ ፡ ኅብስት ፡ ገብረ ፡ በአምሳሊሃ ፡ ዕፁ
 ከመ ፡ ትኩን ፡ ትእምርተ ፡ ለደኃሪ ፡ ትው
 ልድ ፡ ወእስከ ፡ ይእዜ ፡ ሀለወት ፡ ወአርዳ
 ኢሁኒ ፡ ገብሩ ፡ መዓርገ ፡ እምዕዕ ፡ በቀል
 ት ፡ ነዊኅ ፡ በዘየዐርገ ፡ ወደወርዱ ፡ አ
 ቡነሰ ፡ አረጋዊ ፡ ኢበልዑ ፡ እምአማሃ ፡
 ምድራዌ ፡ ኅብስተ ፡ እስከ ፡ አመ ፡ ፍልሰ
 ቱ ፡ ወአፍቀራ ፡ ለይእቲ ፡ መካን ፡ እስ
 መ ፡ ረከባ ፡ ምጥቅተ ፡ እምድር ፡ እግረ ፡
 ዝኑራን ፡ ዘኢይከይድዎ ፡ ወኅያላን ፡ በ
 ንዋዩ ፡ ሐቅል ፡ ዘኢይበጽሕዎ ፡ ወአልቦ ፡
 ዘይክል ፡ ዐሪገ ፡ ኅቤሃ ፡ ዘእንበለ ፡ ኪ
 ያሁ ፡ ዘፈቀደ ፡ ወበእንተዝ ፡ ፈተወ ፡ ኅ

ዲረ : ጎቤሃ : እስመ : መፍቀሬ : ጽመና :
ውእቱ : ወይቤ : ዛቲ : ይእቲ : ምዕራፍዩ
እስከ : አመ : ፍልሰትዩ : እምኔሃ ።

ወእምድኅረ : ጎዳጥ : መዋዕል : ሞተ :
ታዜና : ንጉሥ : ወነግሠ : ካሌብ : ንጉሥ :
ህዩንቴሁ ። ወቅዱስሰ : እቡነ : አረጋዊ :
ገብረ : ንስቲተ : ማኅደረ : በአምሳለ : ዳስ።
ወአንበረ : ውስቲታ : ታቦተ : እንተ : ወፅ
አት : ምስሌሁ : ወበእንተ : ቍርባንኒ :
ሰአለ : ጎበ : እግዚአብሔር : ወተወክፈ :
ሰእለቶ : ፍጡነ : ወአውረዳ : ሎቱ : መላ
እክት : እምሰማይ : በዘይትገበር : መሥዋዕ
ት : ወቍርባን : ጸሕለ : ዘወርቅ : ወጽ
ዋዕ : ዘብሩር : ወክዳናተ : ዘዲባጋት : ወ
መሶበ : እንተ : ውስቲታ : ጎብስት : ምዉ
ቅ : ወጽዋዕ : ዘይደሉ : ለምሥዋዕ : ወለለ
ሰናብት : ወበዓላት : ይትገበር : ሎሙ : ወ

ነበረ : ከመዝ : እስከ : ሕንጻ : መቅደስ ።
ለማኅደሩስ : ረከበ : ንስቲተ : በዐተ : ወነ
በረ : ውስቲታ : እንዘ : ይገብር : ብዙኅ :
ጸሎታተ ፤ ሌሊተ : እንዘ : ኢይነውም : ወ
መዓልተ : እንዘ : ኢየዐርፍ : በብዙኅ : ጸ
ሎታት ። ወወፅአ : ስፎግተ : ነገሩ : ውስ
ተ : ሆሉ : ብሔረ : ምሥራቅ : ወመጽኤ :
ጎቤሁ : እለ : በሙ : ደዌ : ወእለሂ : እኑ
ዛነ : አጋንንት : ወይትፌወሱ : በኅይለ : ጸ
ሎቱ : ወየሐይዉ ። ለእመሂ : አንስት : ይ
በጽሐ : ጎበ : ጉንደ : ደብር : ወይጸርታ :
ወይነግርዎ : በእንቲአሆን : ውእቱኒ : ይ
ፌነ : ፩ እምአርዳኢሁ : ዘውእቱ : ማትያ
ስ : ወይሁቦ : በሪኮ : ማየ : ጸሎት : ወይረ
ቂ : ላዕሌሆን : ወየሐይዋ : እምደዌሆን ።
ወመጽኤ : ካዕበ : እለ : ኢያአምርዎ : ለ
እግዚአብሔር : እለ : ይነብሩ : በምሥራቅ ፤

ኖሎተ፡ አጣሊ፡ እሙንቱ፡ እለ፡ ርሐቃን፡
 እምሃይማኖት፡ ኢይዘርኡ፡ ወኢየአርሩ፡
 ዳእሙ፡ በሐሊዘ፡ አልሀምት፡ ወአባግዕ፡
 የሐይወ፡ ። ወለእመ፡ ሰ፡ ዘረከቡ፡ ዘቦ፡ እ
 ክል፡ ወአልባስ፡ በፍኖት፡ የሀይዳ፡ ወ
 ይገፍዑ፡ ወይቀትሉ፡ ነፍስ፡ ንጽሕተ፡ ።
 እሉሂ፡ ሜጦሙ፡ በኅይለ፡ ጸሎቱ፡ ኅቦ፡
 ሃይማኖተ፡ ክርስቶስ፡ ወኮነ፡ ክርስቲያ
 ነ፡ ወበርሃ፡ አልባቢሆሙ፡ በመንፈስ፡ ቅ
 ዱስ፡ ወኅደጉ፡ ሀይደ፡ ወቀቲለ፡ ነፍስ፡
 ወነበሩ፡ በበንዋየሙ፡ ። ወተፈሥሐት፡ ሁ
 ሉ፡ ሀገሮሙ፡ እስመ፡ በርሃን፡ ዐቢይ፡
 ሠረቀ፡ ላዕሌሆሙ፡ ለእለ፡ ይነበሩ፡ ሕ
 ዙባ፡ ውስተ፡ ጽልመት፡ ወጽላሎተ፡ ሞ
 ት፡ ። በከመ፡ የሐንስ፡ ዘሰበክ፡ በገዳመ፡
 የርዳኖስ፡ ወይመጽኡ፡ ውስተ፡ ጥምቀ
 ቱ፡ ጽምሚተ፡ ወከማሁ፡ ኮና፡ ለምድረ፡

ምሥራቅ፡ ቅዱስ፡ አቡነ፡ አረጋዊ፡ ። ወቦ፡
 እለ፡ አምነ፡ በሰሚዐ፡ ስብከቱ፡ ለአባ፡
 ሰላማ፡ ወመንፈቆሙ፡ እለ፡ ኢአምነ፡ ፤
 ለእለሂ፡ አምነ፡ አጽንዐ፡ ዘአሚኖቶሙ፡
 ርትዕት፡ ወለእለ፡ ኢአምነ፡ ሜጦሙ፡
 ውስተ፡ አሚነ፡ ክርስቶስ፡ ። አአባ፡ ክቡ
 ር፡ ቅሱም፡ በዴወ፡ መለኮት፡ ቀሰምካ፡
 ለልስሐት፡ በዴወ፡ ቃልክ፡ ወአጥዐምካ፡
 ለመራር፡ ወለሕሥምት፡ አሠነይካ፡ ወ
 ኮንክ፡ ሐዋርያሃ፡ ለኢትዮጵያ፡ ከመ፡ ጴ
 ጥሮስ፡ ወጳውሎስ፡ ለሮምያ፡ ።

ወአኅዘ፡ ቅዱስ፡ አቡነ፡ አረጋዊ፡ ይወ
 ስክ፡ ወያፈደፍድ፡ ትሕርምተ፡ ወይጸ
 ውም፡ ወትረ፡ ወይዌስክ፡ ጸማ፡ በዲቦ፡
 ጸማ፡ ወትዕርዝቱ፡ እንተ፡ ውስጥ፡ ልብ
 ሰ፡ ሠቅ፡ ወእንተ፡ አፍአ፡ ዘአዲም፡ ወእ
 ገሪሁ፡ ኢይትኅፀብ፡ ወውስተ፡ ማይ፡ ኢ

ይጠምዎን : ወአልቦ : ዘርእዮ : ዕሩቆ : እ
 ምአመ : ነሥአ : አስኬማ : እስከ : አመ : ፈ
 ለሰ : ወኢይወፅእ : እምነ : ማኅደሩ : ዘእ
 ንበለ : ለጊዜ : ትምህርት : ወበጊዜ : ትወ
 ፅእ : ነፍሰ : ቢጸ : ለቀቢር :: ወከመዝ :
 ሠርዐ : ርእሶ : ኢይፃእ : እማኅደሩ : በዕ
 ድኒ : አልቦ : ዘይበውእ : ኅዜሁ : ዘእንበ
 ለ : ማትያስ : ረድኡ : ይሔውጽ : እንተ :
 ፍኅት : ውእቱኒ : በእሙራት : ዕለታት ::
 ወ፩መከንን : ሐራ : ይመጽእ : ወትረ : ኅ
 ቤሁ : ለቅዱስ : አቡን : አረጋዊ : ወያስተ
 በቀዳ : ወያጽሕቦ : እስመ : ቦ : ወለት : እ
 ንተ : ባቲ : ጋኔን : ወነበረ : ብዙኅ : እንዘ :
 ይገደገድ : ፍኅቶ : ወእንዘ : ያስተበቀ
 ዶ : ከመ : ይፃእ : ወይጸሊ : በእንተ : ወለ
 ቱ : ወአበዮ : አርጓዎተ : ወይቤሎ : አን
 ተ : በእሲ : ምንተ : ትጸርኅ : ኅዜዮ : አ

ነኒ : ሰብእ : ከማከ : ወእመሰ : ተአምን :
 በክርስቶስ : ዘአነ : አመልክ : ሐር : ወ
 በከመ : ተአምን : ጸሊ : ለእግዚአብሔር :
 ወይከውን : ለከ : በከመ : ተአመንከ :: ወ
 ለቱሰ : ውስተ : እግረ : ደብር : ሀለወት :
 ወአምነ : ውእቱኒ : ሰሚዶ : ክርስቶስሃ :
 ወነሥአ : ወለቶ : ወሐረ : ወኅደጋ : ጋኔን ::
 ውብዙኅ : በዕደኒ : ገብረ : እግዚአብሔ
 ር : በእደዊሁ : ተአምረ ::

ወይአተ : አሚረ : ለአከ : ኅዜሁ : ካሌ
 ብ : ንጉሥ : እንዘ : ይብል : ከመዝ : እስመ :
 ተደሎኩ : ከመ : እሐር : እጽባእ : ፀረ :
 እግዚአብሔር : እለ : አማሰኑ : ቤተ : ክ
 ርስቲያን : ወከዐዉ : ደሞሙ : ለሰብአ : ና
 ግራን : ዝንቱ : አረማዊ : ዘስሙ : ሬንሐ
 ስ : እስመ : ለአከ : ኅዜዮ : ጠሞቴዎስ :
 ሊቀ : ጳጳሳት : እንዘ : ይብል : ተበቀል : በ


እንተ : ደሞሙ : ለሰማዕታት : ሰብአ : ና
 ግራን : እንተኒ : ኦኦቶ : ግበር : ጸሎተ :
 እስመ : ጸሎተ : ጸድቅ : ትክል : ወታሠል
 ዋ : ወአውሥኦ : አቡን : አረጋዊ : ወይቤ
 ሎ : ለላእከ : ንጉሥ : ሐር : በሰላም : ወያግ
 ርር : ፀረከ : ወጸላእተከ : ወያግብአሙ : እ
 ግዚአብሔር : ውስተ : እደዊከ : ወለከ
 ሂ : የሀብከ : ጥገሰ : ወግርማ : ወያግብእ
 ከ : በዳጎና : ወበሰላም : ወከሌብሰ : ጸድ
 ቅ : ንጉሥ : ውእቱ : ወአልቦ : እምኔሁ :
 እምነገሥታት : ዘይገብር : ተአምረ : ወመ
 ንክረ : እንዘ : ሀሎ : በክብረ : መንግሥ
 ቱ : ወሶበ : ዐለዉ : ሰብአ : ቡር : አርጎ
 ወ : ሎቱ : እግዚአብሔር : ከርሠ : ምድር :
 ከመ : ኢይርአይዎ : እንዘ : ይሚርድ : ወ
 ኢይጉየዩ : እምኔሁ : ወኢያምሥጦ :
 ወየአክል : መጠን : ምሕዋረ : ፫ : ዕለ

ታት : ለጎያል : ረዋጺ : ወቦአ : እንተ :
 ጎበ : አርጎወ : ሎቱ : እግዚአብሔር : ወ
 ግብተ : በጺሐ : ወረዎሙ : ወኢያትረ
 ፈ : ፩ እምኔሆሙ : ወአግብአ : ለሀገር :
 ውስተ : እደዊሁ : ወእስከ : ዮም : ሀለወ :
 እንተ : ጎበ : ቦአ : ወእንተኒ : ጎበ : ወዕአ :
 ከዊኖ : ጸፍጸፈ : እብን : ወሐረ : ከመ :
 ይጸባእ : ወበጽሐ : ሀገረ : ሳባ : ወተጸብ
 አ : ምስለ : ውእቱ : አረማዊ : ወጸንዐ :
 ቀትል : በጎቤሆሙ : በጎይለ : ጸሎቱ : ለ
 ጸድቅ : ንጉሥ : ወጸሎተ : እሎ : ቅዱሳ
 ን : እለ : ተአመን : በጸሎቶሙ : ወሞአ :
 ወቀተለ : ከሎ : ፀሮ : ወኢያትረፈ : ዐ
 ቢያ : ወንኡሰ : እምብሔረ : ሳባ : ወቀተ
 ሎ : ለፊንሐስ : ንጉሠ : ሳባ : ጸላኤ : ከ
 ርስቶስ : ወተፈሥሐ : ከሌብ : ወእእኩቶ :
 ለእግዚአብሔር : ወሐነጸ : ቤተ : ክርስቲ

ያን : በሀገረ : ናግራን : እንተ : አመዝበ
 ራ : ዐላዌ : ክርስቶስ : ወወሀባ : ሕይሃ :
 ዘማህረከ : ነሎ : እምብሔረ : ሳባ ። ወገ
 ብአ : በትፍሥሕት : ወበሐሜት : ለአክሱ
 ም ። ወአቦአ : ውስተ : ቤተ : መንግሥ
 ቱ : አላ : ሐረ : ጽምሚተ : ጎዲጎ : መን
 ግሥቶ : ወክብሮ ። ወቦአ : ጎብ : አባ : ጳ
 ንጠሌዎን : ወይቤሎ : አልብሰኒ : አልባ
 ሰ : አስኬማ ። ወአልበሶ : ሰቤሃ ፤ መንግ
 ሥቶኒ : ወሀቦ : ለገብረ : መስቀል : ወልዱ :
 ወለአከ : ጎብ : አቡን : አረጋዊ : እንዘ :
 ይብል : እግዚአብሔር : በጸሎትከ : አ
 ግብአኒ : ወለበስኩ : አስኬማ : ዘክርስቶ
 ስ ፤ ጸሊ : በእንቲአዩ : ከመ : ያክሀለኒ : ፊ
 ጽሞ ። ወተፈሥሐ : አቡን : አረጋዊ : ወ
 ይቤሎ : ለላእክ : እንተ : ትኔይስ : ገበር
 ከ : እግዚአብሔር : ይፈጽም : ለከ : ነ

ሎ : ፈቃደክ ፤ ወዘንተ : ሰሚያ : ሐረ :
 እምኔሁ ።

ወነግሠ : ገብረ : መስቀል : ወነበረ :
 ዲባ : መንግሥቱ : ወበ ፳ ዓመተ : መን
 ግሥቱ : ለባዜን : ተወልደ : ክርስቶስ : ወ
 እምባዜን : እስከ : አብርሃ : ወአጽብሐ : ሰ
 ብአ : ክርስትና : ኮኑ : ፲ወ፱ነገሥት : ወ
 ዓመተ : ሕይወቶሙ : ኮነ : ፪፻ወ፵ወ፱ ።
 ወእምአብርሃ : ወአጽብሐ : እስከ : ገ
 ብረ : መስቀል : ፱ወመዋዕለ : ሕይወቶ
 ሙ : ኮና : ፻ወ፳ወ፱ : ወኮነ : ነሎ : ድ
 ሙረ : ፫፻ወ፳ወ፳ ። ወነግሠ : ገብረ : መ
 ስቀል : በጽድቅ : ወርትዕ : ወተሰምዐ :
 መንግሥቱ : ውስተ : ነሎ : ምድረ : አ
 ዜብ : ወአልቦ : ዘተቃወማ : ለመንግሥቱ :
 ወአልቦ : ዘጎብ : ይወፅእ : ለጸብእ : ዘእ
 ንበለ : ለሐኒጸ : አብያተ : ክርስቲያናት :



እስመ : ነግሠ : በዘመነ : ሰላም ። ወቅዱስ
 ሰ : አቡን : አረጋዊ : ሶበ : ርእየ : ብዙ
 ኃን : እለ : ይመጽኡ : ኅቤሁ : ወያጽህቀ
 ዎ : ወኢያኅድግዎ : ከመ : ይትበሐተው :
 ለጸሎት : ወለጽሙና : ፈቀደ : ከመ : ይት
 ኅባእ : እግዚአብሔርሰ : ኢያርሐቆ : ወ
 ኢያብሐ : ይሐር : ፈቀደ : ከመ : ይኩ
 ን : ለሕንጻ : ዚኣነ : ወለሕንጻ : ባዕዳ
 ን : እለ : እምድኅሬነ : ወአእሚሮ : ከመ :
 ብዙኅ : ፍሬ : ይፈሪ : በውስቴታ : ብዙ
 ኃን : እለ : ጽሑፋን : በመንግሥተ : ሰማ
 ያት : ከመ : ከዋክብተ : ሰማይ : ወከመ :
 ጥፃ : ባሕር : ኅያላን : ሰብእ : እለ : ይ
 ፊውሱ : ድወያነ : ወያነሥኡ : ሙታነ :
 በከመ : ይቤ : በወንጌል : ኢትክል : ተኩባ
 ቶ : ሀገር : እንተ : መልዕልተ : ደብር :
 ትንብር : ወኢያነትዉ : ማኅቶተ : ከመ :

ያንብርዎ : ታሕተ : ከፈር : ዘእንበለ : ከ
 መ : ያንብርዎ : ዲበ : ተቅዋማ : ወታብር
 ህ : ለኩሉ ። ወበእንተዝ : ኢተክህሎ :
 ተኅብአ : እምሰብእ : ወተዐውቀ : በኅብ :
 ነገሥት : ወበኅብ : ጳጳሳት : ወበኅብ : ዐ
 ቢይ : ወንኡስ ። ወሶበ : ርእየ : ከመ :
 ኢተክህሎ : ተኩብቶ : አስተጋብእ : ኅሊና
 ሁ : ወሚጠ : ልቦ : ውስተ : ምኒቱ : ወአኅ
 ዘ : ይጸሊ : በከመ : ያለምድ : ወኢተሀ
 ውክ ። ወይመጽኡ : ብዙኃን : ድወያን :
 ወይፊውሶሙ : ለእለሂ : ድወያነ : ነፍ
 ስ : እለ : ነበሩ : በማእሰረ : ኃጢአት :
 ይጸሊ : በእንተአሆሙ : ወይመይጦሙ :
 ኅብ : ንስሐ : ወይገብሩ : ጽድቀ : ወየሐ
 ይዉ ።
 ወበግመተ : ነግሠ : ገብረ : መስቀል :
 መጽኡ : ኅቤሁ : ለአቡን : አረጋዊ : እ

ንዘ : ሀለወ : ውስተ : በዐቱ : ከመ : ይበር
ክ : መንግሥቶ : ወከመ : ይፈጽም : ጸ
ሀቆ : በእንተ : ሕንጻ : መቅደስ :: ወበጽ
ሐ : ፍጡን : ደብረ : ዳሞ : ወኅደገ : ሠራ
ዊቶ : ታሕተ : ደብር : ወዐርገ : ባሕተቶ :
ምስለ : አሊአሁ : ኅበ : ቅዱስ : አቡን :
አረጋዊ : ወሰገደ : ሎቱ : ታሕተ : እገሪ
ሁ : ወተአምኖ : በአምኃ : መንፈሳዊት :
ወአስተብቀዖ : ወይቤሎ : ባርከኒ : ኦኦ
ባ : ኪያየ : ወመንግሥተየ : ወኸሎ :
ሠራዊተየ :: ወአውሥኦ : ቅዱስ : አረጋ
ዊ : ወይቤሎ : እግዚአብሔር : ይበርክ :
መንግሥተክ : በከመ : ባረክ : መንግሥተ :
ዳዊት : ወሰሎሞን : እምሔውክ : ወከ
መ : ባረክ : መንግሥተ : ካሌብ : አቡክ :
ወያኑኅ : መዋዕሊክ : ወይዕቀብ : ሠራዊተ
ክ : ወያግርር : ፀረክ : ወጸላእተክ : ታሕተ :

እገሪክ : ወኸን : ዘተኔሊ : ለአብያተ :
ክርስቲያናት : ለዕቤር : ወለእጻለ : ማው
ታ :: ወአትሐተ : ርእሶ : ገብረ : መስቀ
ል : ወይቤ : አሜን : ለይኸን :: ወነበሩ :
ኅቡረ : እንዘ : ይምዕዶ : በዘይጸንዕ : መን
ግሥቶ : ወበዘይመውእ : ፀሮ :: ወይቤ
ሎ : ገብረ : መስቀል : አአቡየ : ኅበ : አይ
ቴ : መካን : ዘአሐንጽ : ቤተ : ክርስቲያን :
አርአየኒ : እስኩ :: ወተንሥኦ : ሶቤገ : ወ
አርአዮ : ኅበ : የሐንጽ :: ወሶቤገ : አዘዘ :
ንጉሥ : ዕደወ : ኅያላን : እለ : ይገዝሙ :
ዕፀወ : ወእለ : ያስተጋብኡ : አእባን : ወኅ
ሠሠ : ዕደወ : ጠቢባን : ወለባውያን : እ
ለ : የአምሩ : ሐኒጸ : ወአዖደ : ዐዋዴ : ለ
ኸሎ : ብሔረ : ምሥራቅ : ከመ : ይጸሩ :
ዕፀወ : ወእባን : ወመፍተ : ዘርሐቅ : ወ
ዘቅሩብ :: ወካዕበ : አዘዘ : ከመ : ይግባሩ :

መንኰራተ-ገራተ : ሰረገላት : ከመ : መግር
 ጋተ : ጽርሕ : በዕዕው : ወበኦብን : ወየአ
 ክል : ግድመ : ጌ በእመት : በዘየዐርጉ :
 ቦቱ : ሰብእ : ወእንስሳ : ጸዊርመ : ዕዕው :
 ወኦብን : ወማየ : ወሐነጸ : በክብር : በብ
 ዙጎ : ትጋህ : ዘመንክር : ርእየቱ : ወዘያ
 ስተፊሥሕ : ኅሊና : ወይሰልብ : አልባ
 በ : ወተፈጸመ : ሕንጻታ : በ ፪ ዓመ
 ት : እምዘ : ነግሠ : ወወሀባ : ሕይሃ : አል
 ባሰ : ቀጠንተ : ወጸሕለ : ዘወርቅ : ወዘብ
 ፋር : ወጽዋንተኒ : ዘወርቅ : ወዘብፋር :
 ወወሀባ : መስቀለ : ፲ ወ ፪ : ዘወርቅ : ወዘ
 ብፋር : ወወሀባ : ወንጌላተ : ለቢጦ : በ
 ወርቅ : ወብብፋር : ወመልእክተ : ጳውሎ
 ስ : ወመልእክተ : ሐዋርያት : ዘወርቅ :
 ወዘብፋር : ወመንጠዋልዐኒ : ነሎ : በ
 ቢሥርዐቱ : አክባራ : ወአዕባይ : እስ

መ : ቀዳሚት : ይእቲ : ወአልቦ : ዘአቅደ
 መ : ሐኒጾተ : ዘእንበሌሃ : እምኦብያተ :
 ክርስቲያን : ዘእንበለ : አክሱም : እሞን :
 ለአህጉር : ወወሀባ : ነሎ : ዘኦዝ : ቤ
 ተ : መንግሥት : ወአምጽኦ : ጳጳሰ : ወ
 ቀደሳ : ወኅተማ : በቅብአ : ሚሮን : ወ
 አብአ : ወስቲታ : ታቦተ : ዘአምጽኦ : ም
 ስሌሁ : ማኅበረ : በኩር : ወታቦተኒ : ዘ
 ወሀባ : ንጉሥ : ወለውአቱኒ : ማኅበረ : በ
 ኩር : ለቢጦ : በወርቅ : ወብብፋር : ወታቦ
 ተኒ : ዘእግዝእትን : ማርያም : አሠርጊዎ :
 ምስሌሁ : ወአስተብቀዕዎ : ለቅዱስ : አ
 ቡን : አረጋዊ : ከመ : ይቀድስ : ቀርባን :
 ንጉሥኒ : ወጳጳስኒ : ወአቱሰ : አቡን :
 አረጋዊ : የዋህ : ልብ : ወርኅፋጎ : ኅሊና :
 አሆ : ይቤሎመ : ወሶቤሃ : ቦአ : ከመ :
 ይቀድስ : ቀርባን : ወአውረዱ : ሎቱ :

ልብሰ : ቅድሳት : እምሰማይ : ኅብስተ :
 ወጽዋዐ : ወኩሎ : ሥሩዐ : በዘይደሉ ።
 ወወረደ : መንፈስ : ቅዱስ : ላዕለ : ቀር
 ባን : እንዘ : ይሬእይዎ : ከሠተ : ወተ
 ቈረቡ : ንጉሥ : ወጳጳስ : ወኩሎሙ : ሕ
 ዝብ : እለ : ሀለዉ : አሜሃ ። ወወሀቦ :
 እግዚአብሔር : ኪዳነ : ከመ : ይኩንዎ :
 ዓስራተ : እለ : ተቈረቡ : በእዴሁ : ለአቡ
 ነ : አረጋዊ : ወአልቦ : ዘአእመረ : ዘእንበ
 ለ : ባሕቲቱ ። ወወጊአ : ንጉሥ : ገብረ :
 መስቀል : አስተጋብአ : ነዳያነ : ወምስኪ
 ናነ : ወኩሎ : ዐበይተ : መንግሥቱ : እ
 ለ : ሀለዉ : ውስተ : ደብር : ወእለ : ታ
 ሕተ : ደብር : ወገብረ : ዐቢየ : በዓለ : በ
 አጽግቦ : ርኅባን : ወበአልብሶ : ዕሩቃን :
 በእንተ : ቅዳሴሃ : ለቅድስት : ቤተ : ክር
 ስቲያን ። ወቤተ : ይእተ : ሌሊተ : ሀየ :

ወበጽባሕ : ተከየደ : ኪዳነ : ከመ : ኢይኅ
 ድጎ : ኢበሞቱ : ወኢበሕይወቱ : በጊ
 ዜ : ጸሎቱ ። ወአትሐተ : ርእሶ : ንጉሥ :
 ገብረ : መስቀል : ወይቤሎ : አባ : ባርከኒ :
 ወአስተፋንወኒ ፤ ወአጎዘ : ርእሶ : ቅዱስ :
 አቡን : አረጋዊ : በእደዊሁ : ቡሩካት : ወ
 ባረከ : ላዕሌሁ : እንዘ : ይብል : በረከተ :
 ነቢያት : ወሐዋርያት : በረከተ : ጸድቃን :
 ወሰማዕት : ወበረከተ : እግዝእትነ : ግር
 ያም : ይባርክ : ላዕሌክ : ወኩን : ግሩመ :
 እምነ : ነገሥተ : ምድር : ወይጸሐፍ : ስ
 ምክ : በመንግሥተ : ሰማያት ፤ ወይቤ :
 አሜን : ለይኩን ። ወባረከ : ላዕለ : ሕዝብ
 ኒ : አንጺሮ : እደዊሁ : ወይቤሉ : አሜ
 ን ። ወእንዘ : ይወርድ : ንጉሥ : እምደብ
 ር : ይቤሎ : ለአቡን : አረጋዊ : እኅድግኑ :
 ዘንተ : መዓርገ : ወሚመ : እደምስሰኑ ።

ወአውሥኦ : አቡን : አረጋዊ : ወይቤሎ :
 ደምስስ : ኪያሁሰ : ወኢትጎደግ :: ወግ
 ቦር : ሐብለ : ህየንቴሁ : ለአርዌ : ምድር :
 በዘየዐርጉ : ቦቱ : ከመ : ይኩን : ተዝ
 ካረ : ለትውልደ : ትውልድ : ወከመ : ይ
 ሴባሕ : እግዚአብሔር : በአፈ : ነሉ : ዘ
 ርእየ : ዘንተ : ተአምረ :: ወእምድጎረ : ወ
 ረደ : ደምስስ : ውእተ : መዓርገ : ወገብ
 ረ : ሐብለ : በከመ : አዘዘ : አቡን : ወበ
 እንተዝ : ተብህለ : ደብረ : ዳሕምጥ ::
 ወሐረ : ንጉሥ : በሰላም : ፍኖቶ :: ወመ
 ጽኡ : ጎቤሁ : እምብሔረ : ምሥራቅ :
 ብዙኃን : ሰብእ : ከመ : ያልብሶመ : አስ
 ኬማ : ቅድስተ : ሰሚዖመ : ዜና : ጎሩ
 ቱ :: ቦ፡አለ : ጎደጉ : አንስተያሆመ : ወቦ :
 አለ : ጎደጉ : ከብሮመ : ወብዕሎመ : ወ
 ቦሂ : ደቁቅ : አለ : ይፈቅዱ : ይተመሀሩ :

ጎዲጎመ : አውስቦ : ከመ : ይኩን : መ
 ንከሳተ :: ወመሀሮመ : ግብረ : ምንኩስ
 ና : ከመ : ይዕቀቡ : ሃይማኖተ : ወይንቦ
 ፋ : በንጽሕና : ወአመክሮመ : በከመ :
 ይደሉ : በብዙጎ : ተግሣጽ : ወእምዝ :
 አልቦሶመ : አልባሰ : ምንኩስና :: ወሀለ
 ወት : አሐቲ : ፈለግ : በታሕተ : ደብር :
 እንተ : ትወዕእ : እምከኩሕ : ወኩሉ :
 ዘይፈቅድ : ይመንኩስ : ይወስድዎ : ጎቦ :
 ይእቲ : ማይ : ወያጠምቅዎ : እምኔሃ : ወ
 ያዐርግዎ : ውስተ : ደብር : ወያሉባስዎ :
 አልባሰ : ምንኩስና : ወተሰመይ : ይእቲ :
 ማየ : ምርቃይ : ወእስከ : ይእዜ : ሀለወት :
 ትሰመይ : ኪያሃ :: ለቅዱስሰ : አቡን : አረ
 ጋዊ : ወዕኦ : ስመግተ : ነገሩ : ውስተ : ነ
 ሉ : አጽናፈ : ዓለም : ወመጽኡ : እምሥ
 ራቅ : ወእምዕራብ : እምሰሜን : ወእምደ

ቡብ : ወለለጽባሕ : ይትዌሰኩ : ወበዝ
 ኅ : መነኮሳት : ፈድፋድ : ወይሚህሮሙ :
 ፍቅረ : ወትሕትና : ጸመ : ወጸሎተ : ሰጊ
 ደ : ወትጋሀ : ከመ : መላእክት : መግልተ :
 ወሌሊተ : በከመ : ያለምድ : ውእቱ : ው
 እቶሙኒ : ይትዌከፉ : ምህሮቶ : ወይተል
 ወ : ከያሁ : ወደ : እምኔሆሙ : እለ : የ
 አምሩ : ጽሑፊ : ወደ : እለ : ይሰፍዩ : ለ
 ግብረ : ደብተራ : ወደ : እለ : የአምሩ : ከ
 ነ : ወተግባረ : ወደ : እለ : ይትለክኩ :
 ለግብረ : ማኅበር : አረጋዊሰ : አቡነ :
 ሶበ : ርእዩ : ዘንተ : እንዘ : ይፀዕቅ : ሰብ
 እ : ኅቤሁ : ወይቤ : ሐሰ : ሊተ : እግዚ
 ኦ : ኢትግበር : ዘንተ : እስመ : ወግእኩ :
 እምሀገርዩ : ከመ : እኩን : ፈላጴ : ወነግ
 ደ : አፍቂርዩ : ጽሙና : ወብሕትውና :
 ወኩሉ : ሰብእ : ይፀዕቅ : ኅቤዩ : ወኢ

የኅድገት : እትበሐተው : ወእምዝ : መ
 ጽአ : ቃል : እምሰማይ : ዘይብል : ኦአ
 ረጋዊ : ኢታንጎርጉር : በእንተዝ : እስ
 መ : እንበይነዝ : ተጸዋዕክ : ከመ : ትኩ
 ን : አበ : ብዙኃን : ወመርሐ : ዐዋው
 ርት : ከመ : ጴጥሮስ : ርእሰ : ሐዋርያት :
 ወእምዝ : አርመመ : ወወሰክ : ፈሪሆቶ :
 ለእግዚአብሔር : ወፈድፋድ : ይትዐቀ
 ብ : ልቡ : በከመ : ጽሑፍ : እስመ : ጥ
 ቀ : ያነክር : ግብሮ : ለክርስቶስ : አክ : ክ
 መ : ባሕቲቶ : እንተ : ታስተርኢ : ትሕ
 ርምተ : ዘየዐቅብ : አላ : ዓዲ : ግእዘ
 ኒ : ይጽህቅ : ከመ : በሕገ : እግዚአብ
 ሔር : ይቁም : ፍጹመ : አንጺሐ : ርእሰ :
 እንዘ : ይሴፎ : እንተ : ተዐቢ : ተስፋ :
 እንተ : ጽንሕት : በሰማያት : ወእምዝ :
 አኅዘ : ያንብብ : መጻሕፍተ : ወይፈክር :

ሎሙ : እንዘ : ያጸንግል : ከመ : ስሉ : ይ
 ስማዕ : ዘለለ፩ : እምውስቲቶን : ወይዕቀብ :
 ትሕትና : ወየውሀተ : ወአሚን : በከ
 መ : ይቤ : እግዚእን : አእምሩ : እምኔየ :
 ከመ : የዋህ : አን : ወትሑት : ልብየ ::
 እስመ : ዘንተ : ተመሀርን : እምአበው :
 ቀደምት : እምአለ : የሐይወ፣ : ምስሌሁ :
 ብዙኅ : መዋዕለ :: እስመ : ስሉ : ዘሰማ
 ዕን : ኢንክል : ጽሑፊ : እምኅበ : ማትያ
 ስ : ወየሴፍ : አርዳኢሁ : አላ : መንፈ
 ቆ : ዘተክሀለን :: ወመጽአ : ካልአትኒ :
 ደናግል : ኅዲጎን : እለ : ፈኅርዎን :
 ወአቢዮን : አውስቦ : አፍቂሮን : ከመ :
 ይንበራ : በድንግልናሆን : በእንተ : ክ
 ርስቶስ : ወይኩና : መንከሳይያተ :: ወፈ
 ነወ : ፩ እምደቂቁ : ዘስመ : ጴጥሮ
 ስ : ሠናይ : ወአረጋዊ : ወአቲ : ከመ :

ይምሀሮን : ወያልብሶን : አልባሰ : ምንሁ
 ስና : ወእምዝ : አልባሰን : ወአወፊዮ
 ን : ለእሙ : እድና : ቅድስት : ከመ : ትዕ
 ቀቦን : በሥርዐተ : ምንሁስና : ወነበራ :
 ኅቡረ : ምስሌሃ : በጾም : ወበጸሎት : በ
 ጽሙና : ወበየውሀት : ብዙኅ : መዋዕለ ::
 ወሞተት : እሙ : እድና : ቅድስት : ፈ
 ጺማ : ጸሀቃ : በሠናይ : ርሥእና : ከዊና : መ
 ሥመሪተ : ለእግዚአብሔር : ወወዕአት :
 ነፍሳ : አመ፡፬ : ለወርኅ : ጥር : ወወደያ :
 ፩ ሰንዳን : ላዕሌሃ : ወጸራሃ : ወአብጽሓሃ :
 ታሕተ : ሐብል : ወመጽኡ : ቅዱሳን :
 ወተቀበልዋ : ወአዕረግዋ : ወአብጽሕ
 ዋ : ኅበ : ሀሎ : አቡን : ቅዱስ : ዘሚካኤ
 ል :: ወሶበ : ርእያ : ለእሙ : ሐቀፋ : ወ
 ሰማ : ወይቤ : ስብሐት : ለእግዚአብ
 ሔር : ዘአርትዐ : ፍኖታ : ወፈጸመ : ጸሀ

ቀ : ንግድታ : ለእምዩ :: ወገንዛ : በሐሚሊ
 ት : ዘመንከሳት : ወተግሀ : አንወ : መን
 ከሳት : በመዝሙር : ወበጸሎት : እንዘ :
 ይበክዩ : ብካዩ : መሪረ : ተዘኪሮሙ : ንግ
 ደታ : ወፍልሰታ : መኒና : ብዕለ : ወመን
 ግሥተ : ወቀበርዋ : ውስተ : ዝኅር : ሐ
 ዲስ : ዘአውቀረ : አቡን : አረጋዊ : ከመ :
 ይኩን : ለመቃብረ : እመ :: እስመ : ከመ
 ዝ : ሥርዐቶሙ : ለምኔተ : አቡን : ጳጳሚ
 ስ : ለእመ : ሞተት : አሐቲ : እመንከሳ
 ይያት : እለ : ይነበራ : ማዕድተ : ተከዜ :
 ያመጽአሃ : ኅበ : አንወ : መንከሳት : ወ
 ይትቁበልዋ : ወይቀብርዋ : ውስተ : ዝኅር
 ሙ : ፤ ጸሎታ : ወበረከታ : ወሀብተ : ረድ
 ኤታ : ይዕቀበሙ : ወይትማሕፀኖሙ : ለኸ
 ሎሙ : ክርስቲያን : አሚን :: ::
 ወበውእቱ : መዋዕል : ሀለወ : ያሬድ :

ቀሲስ : ዘኡብርሃ : ለኢትዮጵያ : በማሕሌ
 ተ : ሀሌ : ሉያ : ዘተምሀረ : እምኅበ : መ
 ላእክት : እስመ : ነበረ : ቀዲሙ : ምስለ :
 ቅዱሳን : በአክሱም : እንበለ : ይትወሀ
 ብ : ሎቱ : ረድኤት : እንዘ : ይስአል :
 ቃለ : እግዚአብሔር : በአስተሐምሞ : ብ
 ዙኅ :: ወበመዋዕሊሁ : ለገብረ : መስቀ
 ል : ንጉሥ : ተከሥተ : ሎቱ : ቃለ : እግ
 ዘኡብሔር : እስከ : ያአምር : ንቃወ : ያ
 ፍ : ወእንስሳ : ከመ : ይንብብ : ሐዲሳ :
 ወብሉዩ : ተምሂሮ : ጾታ : እምኅበ : መ
 ላእክት : ወአስተካልሐ : ደቂቃ : ለም
 ድረ : አዜብ : በዜማ : ሐዲስ : ወዘሰም
 ዐ : እምቃሉ : እንዘ : ይነብብ : ቃለ : መ
 ዝሙር : ይመሥጥ : ኅሊናሁ : ወይሰል
 ብ : ልቡናሁ : ፤ ሕሙምኒ : ይረስዕ : ሕ
 ማሞ : ሕዙንኒ : ይረስዕ : ሐዘኖ :: እ

ስመ : ተውህበ : ስብሐተ : መላእክት : በ
 ዲባ : ምድር ። ወበእንተዝ : ተፈሥሐ :
 ንጉሥ : ወጳጳስ : ወኰሎሙ : አብያተ :
 ክርስቲያናት : ዘኢትዮጵያ : ሰሚያሙ :
 ጸታሁ : ለያሬድ : እስመ : ረከቡ : ሐዲ
 ስ : ትምህርተ : ዘይኬልሕ : በቃለ : መ
 ዝሙር : ዘኢሰምዑ : ቀዲሙ ። ወበእ
 ንተዝ : አክበርዎ : ወአፍቀርዎ : ፈድ
 ፋደ : ንጉሥኒ : ወጳጳስ : ወኰሎሙ : ሕ
 ዝብ ። ወአሜሃ : ይእተ : አሚረ : መጽ
 አ : ያሬድ : ቀሲስ : ከመ : የሐውጸ : ለአ
 ቡን : አረጋዊ : ወከመ : ይርአይ : ቤተ :
 ክርስቲያን : ዘሐነጸ : ገብረ : መስቀል : ወ
 ይክላሕ : ውስቴታ : በቃለ : መዝሙር ።
 አቡነስ : አረጋዊ : አቅደመ : ተነብዮ : ወ
 ይቤሎሙ : ለደቂቁ : ያሬድ : ካህን :
 መጽአ : ኅቤነ : ከመ : የሐውጸነ ። እስ

መ : ተውህበ : ሎቱ : መንፈስ : አእምሮ :
 ወያእምር : ኰሎ : ዘይከውን : እምቅድ
 መ : ይኩን ። ወእንዘ : የሐውሩ : አርዳኢ
 ሁ : ያሥግሩ : ዓሣ : ማትያስ : ወዮሴፍ :
 መጽአ : ያሬድ : ቀሲስ : ወተራከበሙ :
 በማዕድተ : ፈለግ : በእግረ : ዐቀብ : ወተ
 አምኖሙ : ወይቤሎሙ : ዳግንኑ : ዝ
 አቡክሙ : አረጋዊ : ወይቤልዎ : ዳግ
 ን : ወይቤሎሙ : ዳግመ : ዝስኩ : አ
 ቡክሙ : አረጋዊ : ጸድቅ : ውእቱ :
 ዘከኖሙ : መርሐ : በፍኖት : ለአግብር
 ተ : እግዚአብሔር ። ወዐርገ : ሶቤሃ : ው
 ስተ : ደብር : ወበጽሐ : ኅብ : ሀሎ : አቡ
 ነ : አረጋዊ : ወተአምኑ : ወተሓቀፉ : እ
 ስመ : እምትካት : ያእምሮ : ወበጽሐ :
 ኅብ : ቤተ : ክርስቲያን : ወሰገደ : ሥል
 ሠ : ወነጸረ : ሥነ : ሕንጻሃ ፤ ተፈሥሐ :

ወከልሐ : በቃለ : መዝሙር : ወይቤ : ይ
ሔውጽዋ : መላእክት : እለ : በሰማያት :
ይሔውጽዋ : መላእክት : እስመ : ማኅደ
ረ : መለኮት : ይእቲ : ያድክዋ : ያድክዋ :
ያድክዋ : ወርኢኩ : ሥነ : ሕንጫሃ : ለቅ
ድስት : ቤተ : ክርስቲያን :: ::

ወነበረ : ምስሌሁ : ብዙኅ : መዋዕለ :
እንዘ : ይዛዋዕ : በቃለ : መዝሙር :
ወተፈሥሐ : ቦቱ : አቡነ : አረጋዊ :
በሰሚዐ : ዜማሁ : ለያሬድ :: ቅዱስ
ሰ : አቡነ : አረጋዊ : ይሚሀር : ሃይማ
ኖተ : ወይመይጦሙ : ለብዙኃን : ኃ
ጥአን : ንበ : ንስሐ : ሰሚዖሙ : ቃለ :
ንባቡ : እስከ : ሰበ : ሥዩማን : ወሐራ :
የኅድግዎ : ለክበደ : ሕይወት : ዘዝን
ቱ : ዓለም : ወይከውኑ : መነኮሳተ ::
ወከመ : እንተ : ዐቃቤ : ሥራይ : ተው

ሀበ : ሎቱ : እምኅበ : እግዚአብሔር : ብ
ሔረ : ምሥራቅ :: መኑ : እንዘ : ሕዙን :
ውእቱ : የሐውር : ኅቤሁ : ወኢይገብእ :
ፍውሐ :: መኑ : ዘመጽአ : እንዘ : ይላሐ :
ወበጊዜሃ : ኢይነግፍ : ላሐ :: መኑ : እን
ዘ : ይትመዐዕ : ይመጽአ : ወኢይትመየጥ :
ውስተ : ተፋቅሮ :: መኑ : ወሬዛ : ወንኡ
ስ : ዘዐርገ : ውስተ : ደብሩ : ወበርኢዮ
ቱ : ወበሰሚዐ : ቃሉ : ለአቡነ : አረጋዊ :
ዘኢይሚንን : ፍትወተ : ዝንቱ : ዓለም :
ወኢያሬቅር : ንጽሐ : ወጽማዌ :: መኑ :
ውእቱ : ዘጋኔን : ያሚክሮ : ወመጸአ : ኅ
ቤሁ : ዘኢኅደኅ : ጋኔኑ :: ወመኑ : ውእ
ቱ : መጸአ : ዘለምጽ : ኢነጽሐ :: ወመ
ኑ : ውእቱ : ዘመጽአ : ኅቤሁ : ዘበኅሊና
ሁ : ይትሀወክ : ወበጊዜሃ : ኢለበወ : ኅ
ሊናሁ :: መኑ : ዘይክል : ጥንቁቅ : ነጊረ :

አብጽሖተ : ገድሉ : ወተአምሪሁ : ወዜ
 ና : ወ-ዳሴሁ : ወባሕቱ : ክሂልሰ : ወስብ
 ሐት : ወኅይል : ወዕበይ : ወሥልጣን :
 ለአብ : ወወልድ : ወመንፈስ : ቅዱስ : ዋ
 ሕድ : እግዚአብሔር : እስመ : እምኅሌሁ :
 ዝንቱ : ሹሉ : ኮነ : ወበጸጋ : ረድኤቱ : ተኅየ
 ለ : ዝንቱ : አብ : ለዝንቱ : ገድል : ዐቢይ :
 ወለገቢረ : ምግባራት : ሠናይ : በከመ : ይ
 ቤ : እግዚእነ : በወንጌል : አልቦ : ዘይክል :
 መጸአ : ኅሌየ : እመ : አብ : ዘፈነወኒ : ኢ
 ሰሐቦ : ኅሌየ : ዝንቱሰ : አብነ : አረጋዊ :
 ተስሕበ : በሐብለ : ፍቅሩ : ለክርስቶስ : ወ
 ክህለ : ዘንተ : ገድለ : ወጥኖ : ወፈጽሞ :
 ይእዜኒ : ተማሕፀነ : በጸሎቱ : ያድኅነነ :
 ለሰይጣን : እመሥገርቱ : ወይዕቀብነ : ከ
 መ : ኄር : ኖላዊ : ለመርዔቱ : ወትረ :
 እስከ : ለዓለመ : ዓለም : አሜን : :

ወሶበ : ርእየ : አብነ : አረጋዊ : ከመ :
 በዝኑ : ደቂቁ : ወኮነ : ኅልቆሙ : ፳፻ :
 ሜመ : ሎሙ : መጋቤ : በበማኅበሩ : ለ
 ቤተ : ምንዳድ : ለአብስሎ : ወእለ : ያቁር
 ቡ : ማእደ : ለጊዜ : ድራር : ወቦ : እለ : ይ
 ትጌበሩ : ለግብረ : ማሕረፅ : ወቦ : እለ :
 ያአምሩ : ኪነ : ወተግባረ : ወጽሒፈ : ወ
 ለሹሎሙ : ይኤዝዘመ : ለለተግባሮሙ :
 ወሀለወት : አሐቲ : ገንአ : ብርት : ዘታ
 ገምር : ፯ መሣልስተ : ለጸብኅ : ማኅበር :
 ወያቁርቡ : ለለሰርክ : በጊዜ : ማእደ :
 ወአዘዘመ : ይግበሩ : ጸሎተ : እምቅ
 ድመ : ይጥዐሙ : እክለ : በቃለ : መ
 ዝሙር : ወእምድኅረ : ፈጸሙ : ማእደ :
 ያነብብ : ወይፌክር : ሎሙ : መጸሕፍ
 ተ : ከመ : ይዕቀቡ : ትሕትና : ወፍቅረ :
 ወየውሀተ : ጸመ : ወጸሎተ : ወተሐርሞ :

ወትዕግሥተ ፤ ዘንተ ፡ ነሎ ፡ ወዘይመስ
 ሎ ፡ ሠርዐ ፡ ሎሙ ፡ ሥርዐተ ፡ ማኅበር ፡
 በከመ ፡ ተምህረ ፡ እምቤተ ፡ ጳኑሚስ ፡
 ወቲዎድሮስ ፡ አበዊሁ ፤ ሥርዐተ ፡ ማኅበ
 ርሰ ፡ ወጽሒፍ ፡ ወዕአ ፡ እምቤቱ ፡ ለአቡ
 ነ ፡ አረጋዊ ፡ እስመ ፡ ውእቱ ፡ መምህረ ፡
 ሕግ ፡ ወሥርዐት ፡ ጠቢብ ፡ ወማእምር ።
 ለቅዱስሰ ፡ አቡነ ፡ አረጋዊ ፡ አስተርአዩ ፡
 እግዚእነ ፡ ጊዜ ፡ መንፈቀ ፡ ሌሊት ፡ ወወ
 ሀቦ ፡ ከዳነ ፡ ወይቤሎ ፡ ናሁ ፡ ተሰምዐ ፡ ጸ
 ሎትከ ፡ ኅቤዩ ፡ ወመጸእኩ ፡ ኅቤከ ፡ ከመ ፡
 አስተፍሥሕከ ፡ ወአፍልስከ ፡ እምጸማ ፡
 ውስተ ፡ ዕረፍት ፡ ወእምሐዘን ፡ ውስተ ፡
 ትፍሥሕት ፡ ወእምኅሳር ፡ ውስተ ፡ ከብር ፤
 በእንተ ፡ ዘመነንከ ፡ ዓለመ ፡ ኅላፊተ ፡ ወ
 መንግሥተ ፡ ኅላፊተ ፡ አነ ፡ እሁብከ ፡ መ
 ንግሥተ ፡ ሰማያት ፡ ዘኢይበሊ ፡ ወኢይማ

ስን ፡ ወህዩንተ ፡ ዘመነንከ ፡ ቀጠንተ ፡ አ
 ልባሰ ፡ ዘወርቅ ፡ አነ ፡ አለብሰከ ፡ ዘዐይን ፡
 ኢርአዩ ፡ ወእዝን ፡ ኢሰምዐ ፡ ውስተ ፡ ል
 በ ፡ ሰብእ ፡ ዘኢተኅለዩ ፤ ወህዩንተ ፡ ዘመነ
 ንከ ፡ ሀገረከ ፡ አነ ፡ እሁብከ ፡ ኢዩሩሳሌም ፡
 ሰማያዊተ ፡ ወህዩንተ ፡ ዘመነንከ ፡ አብያ
 ተ ፡ ዘዩኅልፍ ፡ አነ ፡ እሁብከ ፡ አብያተ ፡
 ብርሃን ፡ ዘኢዩኅልፍ ። ወዘገብረሂ ፡ ተ
 ዝካረከ ፡ ወተአመነ ፡ በጸሎትከ ፡ አነ ፡ እሁ
 ቦ ፡ ሞገሰ ፡ በቅድመ ፡ መላእክትዩ ፡ ወለ
 ዘጸሐፈ ፡ መጽሐፈ ፡ ገድልከ ፡ ወለዘአጽ
 ሐርሂ ፡ በአሚን ፡ ወዘተርጎሞ ፡ አነ ፡
 እጽሕፍ ፡ ስሞ ፡ ውስተ ፡ መጽሐፈ ፡ ሕይወ
 ት ፡ ወለዘአጽገቦ ፡ ርኅብ ፡ ወዘአስተዩ ፡
 ጽሙአ ፡ አነ ፡ አበልዖ ፡ ኅብስተ ፡ ሕይወ
 ት ፡ ወአሰተዩ ፡ ጽዋዐ ፡ መድኅኒት ፡ ወዘ
 አምስሐ ፡ ርኅብ ፡ በዕለተ ፡ ተዝካርከ ፡ አ

ነ፡ አመስሐ፡ በቀዳሚት፡ ምሳሕ፡ ዘ ፲፪
 ዓመት ። ወዘጸለየ፡ ጸሎተ፡ በውስተ፡
 መርጡልከ፡ በዕለተ፡ ተዝካርክ፡ እሰም
 ዖ፡ ጸሎቶ፡ ወስእለቶ፡ ፍጡነ፡ ወለዘሐ
 ነጸ፡ ቤተ፡ ክርስቲያንከ፡ አነ፡ እሁብ፡
 አብያተ፡ ብርሃን፡ ፲ ወ፪ ። ለዘሂ፡ አንበ
 ሮ፡ ውስተ፡ ቤቱ፡ ለዝንቱ፡ መጽሐፈ፡
 ገድልከ፡ በተአምኖ፡ ኢይባእ፡ ውስተ፡
 ቤቱ፡ ብድብድ፡ ኢሞተ፡ ሰብእ፡ ወእን
 ሰሳ፡ ወኢጥፍአተ፡ እክል ። ወዘአንበበ፡
 ለዝንቱ፡ መጽሐፈ፡ ገድልከ፡ በጥቡዕ፡
 ልብ፡ ወዘሰምዖሂ፡ በአሚን፡ ዘእንበ
 ለ፡ ሀኬት፡ አነ፡ አድጎኖ፡ እምኹሉ፡
 ምንዳቤሁ፡ ወዘያበውእ፡ መባአ፡ አው፡
 ዕጣነ፡ አው፡ ቅብአ፡ አው፡ ዘይተ፡ አነ፡
 አበውእ፡ ውስተ፡ መንግሥትየ፡ ወንጉ
 ሥሂ፡ ዘይሁብ፡ ቀጠንተ፡ አልባሰ፡ ወ

ያኩብር፡ መካነከ፡ አነ፡ አኩብሮ፡ በመ
 ንግሥትየ፡ ወእጼግዎ፡ ግረተ፡ ፀር፡ ወ
 ዳጎና፡ ወሰላመ፡ ምስለ፡ መኳንንቲሁ፡
 ወአነውጎ፡ መዋዕሊሁ፡ በዲባ፡ ምድ
 ሮ፡ እምኹሉሰ፡ ዘየዐቢ፡ ኢይቀርባከ፡
 ጽላሎተ፡ ሞት፡ ወኢያደነግፀከ፡ መል
 አከ፡ ሞት፡ ወትትከበት፡ ከመ፡ ሄኖክ፡
 ወኤልያስ፡ ነቢያትየ፡ ለእምከ፡ እድና፡
 እንተ፡ ቀበርከ፡ በእደዊከ፡ ይትከበት፡
 መቃብሪሃ፡ ወኢይትረአይ፡ ለመኑሂ፡ ከ
 መ፡ ኢይትቀበር፡ ሰብእ፡ በላዕሌሃ፡ እ
 ስከ፡ አመ፡ አነሥአ፡ በትንሣኤ፡ ሕይወ
 ት፡ ለዘቲኒ፡ መቅደስከ፡ እሬስያ፡ ክብር
 ተ፡ ወትኩን፡ መቃብረ፡ ለነገሥት፡ ወለ
 ጳጳሳት፡ ወሶበ፡ ዘንተ፡ ተናገሮ፡ እግዚ
 እነ፡ ለአቡነ፡ አረጋዊ፡ ወይቤሎ፡ አባ፡
 ክቡር፡ እመ፡ ረከብኩ፡ ሞገሰ፡ በቅድ

ሜክ : ኡብሐኒ : እንብብ : እግዚአ : ወይ
 ቤሎ : እግዚእን : በል : ንብብ : ወሰኦ
 ል : እምኔየ : ዘፈቀድከ : ኦፍቁርየ :: ወ
 ይቤ : ዘንተ : ነሎ : ዘወሀብከኒ : ይትኦ
 ከት : ወይሴባሕ : ስምከ ፤ ዘገብረ : ተዝ
 ካርየ : ወጸሐፈ : መጽሐፈ : ገድልየ : ወ
 ዘጸወዐ : ስምየ : ወዘተኦመን ፤ በጸሎ
 ትየ : እስከ : እስፍንቱ : ትውልድ : ትም
 ሕሮ ፤ ወይቤሎ : መድኅኒን : እስከ : ፲ወ
 ፮ ትውልድ : እምሕሮ : ለከ :: ወይቤሎ :
 አቡን : አረጋዊ : እመሰ : ነገሥት : ወ
 ጳጳሳት : ከቡራን : ይትቀበሩ : ባሕቲቶ
 ሙ : ኢርቱዕ : አላ : ረሲ : ይትቀበር : በ
 ቱ : ነሎ : ዘነፍስ : ወይኩን : ምስካየ :
 ለነዳያን : ወለምስኪናን : ወለእንላ : ማ
 ውታ : ለዕዉራን : ወለሐንካሳን : እስ
 መ : አን : ነግድ : ወፈላሲ : ውስተ : ዛቲ :

ሀገር :: ወይቤሎ : እግዚእን : ይኩን : በከ
 መ : ትቤ : ወአውሥኦ : አቡን : አረጋ
 ዊ : ወይቤሎ : ለመድኅኒን : ዘሂ : ተቀብ
 ረ : ውስተ : መቅደስየ : እመኒ : ዘቅሩብ :
 ወእመኒ : ዘርሑቅ : ወሞተ : በንስሐ : ኅ
 ድግ : ሎቱ : እግዚአ : ኃጢአቶ : ወ
 ይቤሎ : መድኅኒን : ዘተቀብረ : በርእ
 ሰ : ደብር : ባሕቲቱ : ዘሂ : ተቀብረ :
 በታሕተ : ደብር : ዘሂ : ተቀብረ : በው
 ሣጤ : መቅደስከ : ይሰረይ : ሎቱ : አባ
 ሳሁ : ወይኩን : ለከ : ዓሥራተ :: ወይቤ
 ሎ : አቡን : አረጋዊ : ባርክ : እግዚአ : ዛ
 ተኒ : መቅደሰ : ወእለ : የኅድሩ : ውስቲታ :
 ወይቤሎ : ትኩን : ቡርክተ : ዛቲ : መቅደ
 ስከ : ወኢይትኅጣእ : ሰብእ : እምኔሃ : ወኢ
 ዪጥፋእ : ማኅቶታ ፤ ሥጋየ : ወደምየ : ይ
 ኩን : ጥሉለ : ወሥሙረ : ወውኩፈ : በ

ቅድሚያ ። ወይቤሎ ፡ አቡን ፡ ባርክ ፡ ዛ
 ተሂ ፡ ማኅበረ ፡ ወኩሎሙ ፡ ደቂቅዩ ፡ ቅ
 ዱሳን ፡ ወትኩን ፡ ቡርክተ ፡ ዛቲ ፡ ማኅበ
 ር ፡ ምስክሩሙ ፡ ለነዳያን ፡ ወምጽጋቦሙ ፡
 ለርጉባን ፡ ወምልባሶሙ ፡ ለዕሩቃን ። እ
 ሉሂ ፡ ቅዱሳን ፡ ይኩኑ ፡ አእላፊ ፡ አእላፋ
 ት ፡ ከመ ፡ ግፍ ፡ ባሕር ፡ ወከመ ፡ ከዋክብ
 ተ ፡ ሰማይ ፡ ከመ ፡ ያዕቆብ ፡ ስፋሐ ፡ አዕ
 ፀቅ ፡ ወብዙኅ ፡ ዘርእ ፡ ወኢይቅረብ ፡
 ኅቤሆሙ ፡ ደዌ ፡ እኩይ ፡ ወኢሐማመ ፡
 ብድብድ ። ወይቤሎ ፡ አቡን ፡ አረጋዊ ፡
 ባርክ ፡ ዛተኒ ፡ በዐተ ፡ ማኅደርዩ ፡ እን
 ተ ፡ ቆምኩ ፡ ምስሌክ ፡ ወነሣእኩ ፡ ኪዳ
 ነ ፡ በውስቴታ ፡ ወይቤ ፡ ትኩን ፡ ቡር
 ክተ ፡ እንተ ፡ ቆማ ፡ ባቲ ፡ እገሪክ ፡ ዛ
 ቲ ፡ ምድርክ ፡ ትኩን ፡ ፈውሰ ፡ ወመድኅኒ
 ተ ፡ ለኩሉ ፡ ዘተቀብአ ፡ ነሢአ ፡ መሬታ ፡

ወእመኒ ፡ ዘቦ ፡ ሐማም ፡ ይሠዐር ፡ ሎቱ ፡
 ደዌሁ ፡ ዘሂ ፡ ጸሮ ፡ ተአሚኖ ፡ ይድኅን ፡
 እምደዌ ፡ ወእምብድብድ ፡ ነኪር ፡ ወያር
 ኢ ፡ ተአምረ ፡ ቦቱ ፡ ዘተቀብአ ፡ እምኔ
 ሁ ፡ ለዓለመ ፡ ዓለም ፡ አሚን ። ወዘንተ ፡
 እምድኅረ ፡ ይቤሎ ፡ ወሀቦ ፡ ሰላመ ፡ ወዐ
 ርገ ፡ ውስተ ፡ ሰማይ ፡ ወተፈሥሐ ፡ ቅዱ
 ስ ፡ አቡን ፡ አረጋዊ ፡ በእንተ ፡ ዘወሀቦ ፡
 ዘንተ ፡ ኩሎ ፡ ኪዳነ ። ወሶበ ፡ ጸብሐ ፡
 ጸውዖ ፡ ለማትያስ ፡ ረድኡ ፡ እስመ ፡ ው
 እቱ ፡ ያፈቅሮ ፡ እምኩሎሙ ፡ አርዳኢ
 ሁ ፡ ወይቤሎ ፡ በዛቲ ፡ ሌሊት ፡ አስተርአ
 ዩኒ ፡ እግዚእ ፡ ወወሀበኒ ፡ ኪዳነ ፡ ወነገሮ ፡
 ኩሎ ፡ ዘይቤሎ ፡ ወዘከመ ፡ ወሀቦ ፡ ኪዳ
 ነ ፡ ከመ ፡ ይጽሐፍ ፡ ወይኩን ፡ ተዝካረ ፡
 ለትውልደ ፡ ትውልድ ፡ ዘንተ ፡ ኪዳነ ፡
 ወዘንተ ፡ ገድለ ። ወሶበ ፡ ሰምሮ ፡ ማትያስ ፡

ረድእ : አንከረ : ወተፈሥሐ : በእንተ :
 ዝንቱ : ነገር : ወይቤሎ : አቡነ : አረጋ
 ዊ : ሐር : ጸውዕ : አኅዊከ : ዡሎሙ ::
 ወሐረ : ወአስተጋብአሙ : ኅበ : ቤተ :
 ክርስቲያን : ወተወሀቡ : ሰላሙ : በበይና
 ቲሆሙ : አቡነሂ : ክቡር : ወዕአ : እምበ
 ዐቱ : ወነበረ : ማእከለ : ወመሀርሙ :
 በከመ : ያለምድ : ወድኅረ : ይቤሎሙ :
 እምይእዜስ : ኢትሬእዩኒ : በሥጋ :: ወሶ
 በ : ሰምዑ : አኅወ : በከዩ : ብከዩ : መሪ
 ረ : ወወድቁ : ታሕተ : እገሪሁ : ለቀዱስ ፤
 ወአንሥአሙ : ወይቤሎሙ : ኢትፍር
 ሁ : ወኢትደንግፁ : አንሰ : አማሕፀንኩክ
 ሙ : ኅበ : ክርስቶስ : አምላኪዩ :: ወይቤ
 ልዎ : ለመኑ : ተኅድገን : ከመ : ንኩን :
 እንለ : ማውታ : ወይቤሎሙ : ኅበ : ክር
 ስቶስ : ሰማያዊ ፤ አነኒ : አሐውር : ኅበ :

እግዚአብሔር : አምላኪዩ : ወይኩንክ
 ሙ : ማትያስ : ኖላዌ : ሀዩንቴዩ :: ወሶ
 በ : ሰምዑ : ማትያስ : ወድቀ : ታሕተ :
 እገሪሁ : ወወደወ : ወይቤ : አንሰ : ኢ
 ዩክል : በዊአ : ውስተ : ዝንቱ : መልእክ
 ት : ዐቢይ ፤ ወገሥጸ : አቡነ : ወይቤሎ :
 አርምም : ወዝንተ : ብሂሎ : ቦአ : ውስ
 ተ : በዐቱ :: ወአቡነ : አረጋዊ : በዝ
 ኅ : ዘመኑ : ወበጽሐ : ለርሥእና : ወኮኖ :
 ጿ ወ ፪ ዓመት :: ወጊዜ : ነግሀ : ርእዩ :
 ቀዊሞ : እንዘ : ይገብር : ጸሎተ : እንዘ :
 ይትሐዘቦ : ልቡ : ለማትያስ : አይ : ጊዜ :
 ይሰወር : እምኔሆሙ : ወተመይጠ : ወገ
 ብአ : ኅበ : ነበረ : ቀዲሙ : ከመ : ይግበ
 ር : ጸሎተ : ወካዕበ : ተመይጠ : በ ፫ ሰዓ
 ኅተ : ወበጽሐ : ኅበ : በዐቱ : ወኢረከቦ : እ
 ስመ : ተሰወረ : ወኢረከቦ : ዘእንበለ :

መስቀል : ወምርጉዝ : በሕቲቱ ። ወነገ
 ሮሙ : ለአኅዲሁ : ወዐውደወ : ወበከዩ :
 ብከዩ : መሪሪ : ወአኅዙ : መስቀለ : ወም
 ርጉዝ : ወሰዐሙ : ወመሰሎሙ : ዘረከቡ :
 ኪያሁ ። ወኮነ : ተሰውሮቱ : አመ : ፲
 ወ፬ : ለወርኅ : ጥቅምት : በሠርቀ : ዕብራ
 ውያንሰ : አመ : ፲ ወ ፩ : ለወርኅ : ታስሪ
 ን : በመዋዕሊሁ : ለገብረ : መስቀል : በሰ
 ላመ : እግዚአብሔር ፤ ጸሎቱ : ወበረከ
 ቱ : ወሀብተ : ረድኤቱ : ወጸማ : ንግደቱ :
 ይዕቀበን : ወይትማሕፀንን : ወይትኖለወን :
 ለዓለመ : ዓለም ። ወእምድኅረ : ፈጸሙ :
 ላሐሙ : ነገሮሙ : ማትያስ : ነሎ : ዘተ
 ውሀበ : ሎቱ : ኪያነ : እምኅበ : እግዚአ
 ብሔር ። ወሶበ : ሰምዑ : ዘንተ : ተፈሥ
 ሐ : ዐቢዩ : ፍሥሐ : ወአእኩትዎ : ለእግ
 ዚአብሔር : ወተመይጠ : ሐዘኖሙ : ወ

ስተ : ትፍሥሕት : ወሶቤገ : አምጽኡ :
 ክርታሰ : ወቀለመ : ወጸሐፉ : መጽሐፈ :
 ገድሎ : ወኪያነ : ዘነገርዎሙ : ማትያስ :
 ወዮሴፍ : ከመ : ይኩን : ረባሐ : ለአለ :
 ይሰምዕዎ ፤ ነሎሰ : ዘገብረ : ኢተጽሕ
 ፈ : ከመ : ኢይኩን : ዝንጋዔ : ለሰማ
 ዕያን : ወንስቲት : ተጽሕፈ : እምኔሁ :
 በአምጣን : ይትከሀል ፤ ወተዘከሩ : ሥር
 ዐተ : ዘሠርዐ : ሎሙ : ከመ : ይንበሩ : በ
 ሥርዐተ : ማኅበር : ወአትሐቱ : ርእሶሙ :
 ለማትያስ : አበ : መንፈሶሙ : ዘወሀቦሙ : አ
 ቡሆሙ : አረጋዊ : ወገብኡ : ኅበ : ገቢረ :
 ተዝካሩ : ለአቡሆሙ ። ወበ፱ ዕለት : ገብ
 ፍ : ዐቢዩ : በዓለ : ወርእዩ : ተአምረ : ዐ
 ቢዩ ፤ እምድኅረ : በልዑ : ዐቢይ : ወንኡ
 ስ : መልክ : ነሎ : ወኮነ : ከመ : ቀዳሚ ።
 ወሶበ : ርእዩ : ዐቢዩ : በረከተ : ዘወረደ :

ላዕሌሆሙ : አንከሩ : ወአእኩትዎ : ለእ
 ግዚአብሔር : ወእስከ : ዮም : ሀለወት :
 ይአቲ : በረከት : ውስተ : ቤተ : ማኅበ
 ር :: ወይቤ : ፩ እምደቂቁ : ርኢክዎ :
 ለማር : አረጋዊ : እንዘ : ይቄድስ : ቊር
 ባን : ወያቀርባን : ለተልን : እለ : ተጋባእ
 ነ : ለገቢረ : ተዝካሩ : አመኒ : ታሕተ : ወ
 እመኒ : ላዕለ : እለ : ሀለውን : ለአንስት :
 ወለተባዕት : ንኡሳን : ወዐቢያን : እንበለ :
 ተሌልዮ :: ወካዕበ : ይቤ : ካልኡኒ : ርኢ
 ክዎ : አነኒ : እንዘ : ይፌትት : ኅብስተ :
 ወይሁብ : ባሪክ : ለተሉ : ቀዊሞ : ውስ
 ተ : ማእድ :: ወ፩ሰ : መንኮስ : በዓለ :
 ጽሙና : ድንግል : ወንጹሕ : ወመስተጋ
 ድል : ሶበ : አንበርዎ : ይንግሮሙ : ዘርእ
 ዩ : ወስሙ : ለውእቱ : መንኮስ : አባ : ብ
 ንያሚ : ከሠተ : አፋሁ : ወይቤሎሙ : ር

ኢክዎ : ለአቡን : አረጋዊ : ተዐጊፎ :
 ሞጣሕተ : ብርሃን : ወተቀጸሎ : አክሊ
 ለ : ዘያበርሀ : እምን : ፀሓይ : ምስብዒተ :
 ዘያንፀበርቅ : ወዘየሀይድ : ዐይን : ወባረ
 ከ : ላዕለ : ሁሉ : ሕዝብ : ጉቡአን : እለ :
 አፍአ : ወውስጥ : ወንሥአ : በእዴሁ : ቀ
 ለመ : ወርቅ : ወአስተጋብአሙ : ለተሎ
 ሙ : ደቂቁ : መንኮሳት : ወጸሐፈ : ውስ
 ተ : ፍጽሞሙ : በዝዩ : ወበሀየኒ : ውስ
 ተ : አዕማዲሃ : ለኢየሩሳሌም : ወእምዝ :
 ተሰወረ : እምኔዩ :: ወበእንተዝ : ተፈሥ
 ሑ : እስመ : ረከቡ : ዐቢዩ : ተስፋ : ዘአሰ
 ፈዎሙ : በዘርእዩ :: ወሶበ : ሰምዐ : ንጉሥ :
 ገብረ : መስቀል : ከመ : ተሰወረ : አቡን :
 አረጋዊ : መጽአ : ኅበ : ደብር : ቅዱስ : ወ
 ዐርገ : ወተአምን : ምስለ : መንኮሳት :
 ወነገርዎ : ዘኮን : ወዘርእዩ : አንከረ : ወ

አስተወጸበ : ወበከዩ : አንብዐ : መሪረ : በ
አንተ : ፍቅሩ : ወተአምኖቱ : ለብፁዕ : አ
ቡን : አረጋዊ : ወአስተጋብአ : ሹሎ : ሰ
ብአ : ዘቅሩብ : ወዘርሑቅ : ወጳጳሰኒ : ዘሀ
ለወ : ምስሌሁ : ወቆመ : ታሕተ : እገሪ
ሁ : ለማትያስ : ዘነበረ : ውስተ : መንበሩ :
ሀዩንቴሁ : ቀኒቶ : ሐቋሁ : ወይቤ : ንጉ
ሥ : ወሀብኩ : ምድረ : እገላሃ : ቁላሃ :
ወደጉዐሃ : እመረብ : እስከ : ጉርጉር :
ወበግሎ : መከዳ : ኒ አሀጉር : ወበብ
ሌንሂ : ና አሀጉር : መተራ : ወበረካ : ወ
ሀገረ : ጸዮት : ወዘግሎ : መከዳ : በራሕ
ቶ : ቤተ : ኖበይት : በቅሎ : ወዕዕ : ማዕ
ሬ : ገለባ : ወሀም : ወበዳ : ዕረካ : ገና
ድፍ : ወአሐቲ : ሀገር : ዘትሰመይ : ምጋ
ርያ : ፀምር : ወአሐቲ : ሀገር : ዘትሰመ
ይ : ይሃ : ዘንተ : ወሀበ : ንዲጎ : ግብ

ረ : ቤተ : መንግሥት : ከመ : ይኩን :
ሲሳዩሙ : ለመነኮሳት : ወለመበአ :
ቤተ : ክርስቲያን : ወከመ : ይኩን : ተዝ
ከሮ : ለአቡን : አረጋዊ : ወአምጽአ :
ንጉሥ : ገብረ : መስቀል : ጳጳሰ : ወ
አውገዝ : ከመ : ኢይባኩ : ላዕሌሆን :
ኢመኩንን : ወኢቃለ : ነጋሢ : ወኢሥ
ዩመ : ሀገር : ዘቅሩብ : ወዘርሑቅ : አ
ዘዘ : ወአውገዝ : ከመ : ኢይቅረቡ : ኅቤሃ :
ወይቤ : ከማሁ : ይግበሩ : እለ : እምድጎ
ሬዩ : እስመ : ሹሎሙ : መንፈሰ : እግዚአ
ብሔር : በሙ : ከማዩ : ወካዕበ : ይቤ :
አዕበይናሃ : ወአክበርናሃ : ለዛቲ : መካን :
ከመ : ደብረ : ታቦር : ወከመ : ደብረ : ሲ
ና : አክሱምሂ : ቤተ : መንግሥትን : ዳሞ
ሂ : ቤተ : ጸሎትን : ለዓለመ : ዓለም : ወ
ቅዱስሰ : ማትያስ : ጸንዐ : ውኅደለ : በብዝ

ጎ : ገድል : ወጸማ : ወበተሐርጥ : እም
 ጣዕመ : መበልዕት : ወያቴሕት : ርእሶ :
 ለኩሉ : ወይትኤዘዝ : ለቤተ : ማኅበር :
 ከመ : ቀዲሙ : ወይሚህር : በቃለ : መ
 ዝሙር : ወበቃለ : ወንጌል : ከመ : ርኢዮ
 ሙ : አኅዊሁ : ይቅንኡ : ለምግባሪሁ : ወ
 ይትልወ : አሠረ : ዚአሁ : መንከሳትሰ :
 በዝኅ : ፈድፋድ : እንዘ : ይትዌሰኩ : ለለ
 ጽባሐ : ወአቱሰ : ማትያስ : ከነ : ስሙዐ :
 ዜና : በኅበ : ኩሉ : ወይሚህር : ቃለ :
 ሃይማኖት : ወእሙንቱኒ : ይሰምዑ : ቃ
 ለ : ዚአሁ : ወይትዌከፍዎ : በጽድቅ : ወ
 ጸለዩ : ቅዱስ : ማትያስ : ምስለ : አንወ :
 ኅቡረ : ከመ : በኩሉ : ይዜከሩ : ቃለ : እ
 ግዚአብሔር : ወእምድኅረ : ፈጸሙ : ጸ
 ሎተ : አተወ : ውስተ : መኃድሪሆሙ :
 እንዘ : ያጸነግሉ : ዘእምውስተ : መጻሕ

ፍት : ወይትናገሩ : ወይዜከሩ : ለለ ፩ :
 ዘከመ : ተብህለ : ወአልቦ : እንከ : ዘይከሥ
 ት : አፋሁ : ወኢ ፩ እምኔሆሙ : ከመ :
 ይትናገር : ቃለ : ፅሩዐ : ወነገረ : ዘርቅ :
 ለዓለም : አላ : ዘተምህሩ : ያነብቡ : ወየኅ
 ሥሁ : ፍሬሁ : ወአስተራትዎ : ዘበእንተ :
 ምግባራት : በከመ : ፈቃዱ : ለእግዚአ
 ብሔር : ወአልቦ : ዘይበውእ : ውስተ :
 ቤተ : ካልኡ : ከመ : ይርአይ : ዘከነ : ወአ
 ልቦ : ዘያፈደፍድ : ልብሰ : ለርእሱ : ዳእ
 ሙ : ሊቀ : ማኅበር : የዐቅብ : ውስተ :
 ፩ ቤት : እስከ : አመ : የነፅቡ : ዘይለብ
 ሱ : ወካዕበ : ይነሥኡ : ወይዌልጡ : በ
 መበሕተ : ሊቀ : ማኅበር : ወአልቦ : ዘ
 ይሬእዩ : ብሩረ : ወወርቀ : ወኢካልኦ : ን
 ዋዩ : ውበዙኃን : እለ : ሞቱ : እንዘ : ኢ
 ይሬእዩ : ዘንተ : ዘእንበለ : እለ : ይትለኦ

ኩ : ለመካን ፣ አልክቱሂ : ኢይእኅዝዎ :
 በአደዊሆመ : ለአመ : ቦኡ : ውስተ : ም
 ኔት : አላ : ይሜጥውዎ : ለመጋቢ : ወቅዱሸ
 ሰ : ማትያስ : ፈጸሞ : ነሎ : ሕገ : ምንክ
 ስና : በከመ : ተምህረ : እምአቡሁ : አረጋዊ :
 አዕረፈ : አመ : ፳ : ለታኅሣሥ : በሰላመ :
 እግዚአብሔር ። ወእምድኅሬሁ : አቀ
 ሙ : አቡን : ዮሴፍ : ወእምድኅሬሁ : አ
 ባ : መድኅኒን : እግዚእ : ከመ : ይኩን : አ
 ባ : ህየንቴሁ ፣ ጸሎቱ : ወበረከቱ : ለዝን
 ቱ : ጸድቅ : ይዕቀባን : ወይትማሕፀንን :
 ወየሀሉ : ምስሌን : ለዓለመ : ዓለም ።
 ወእምድኅረ : ጉንዱይ : መዋዕል : በዘመ
 ኑ : ለአባ : ዮሐን : ሳብዕ : መምህር : ው
 እቱ : ሐንጹ : ሎቱ : ደቂቁ : ቤተ : ክርስ
 ቲያን : ውስተ : አፈ : በዐት : ከመ : ይኩ
 ን : መቃብሪሆመ : ለመነኮሳት : ወምም

ሕፃን : ለኩሉ : እለ : ይነሥኡ : መሬተ :
 ኅብ : ቆማ : እገሪሁ : ለቅዱስ : አረጋዊ :
 ወአርአዩ : ተአምረ : በላዕሌሃ : ወይፌ
 ውስ : ድወያን ፣ ዘገድገድ : ኅሌሃ :
 ወዘተቀብአ : እምኔሃ : የሐዩ : እምደዌ
 ሁ ። ወእምድኅረዝ : መጽአ : አባ : ኢየ
 ሱስ : ሞአ : ወይቤሎ : ለአባ : ዮሐን : እ
 ልብሰኒ : አባ : አስኬማ : ዘመነኮሳት :
 ወሶቤሃ : አልበሶ : ወነበረ : ብዙኅ : መዋዕ
 ለ : እንዘ : ይትኤዘዝ : ለመምህሩ : ወ
 ተምህረ : ጽሕፈተ : ወኮን : መፍቀሬ :
 ጽመና : ወጸሎት : ወነበረ : ባሕቲቱ : በ
 ማእከለ : ጸድፍ : ወጸሐፈ : ወንጌለ : በ
 ህየ : ወእስከ : ይእዜ : ሀለወ ፣ ወሐረ : ወገ
 ብአ : ሀገረ : እንተ : ስማ : ሐይቅ ። ወበ
 ህየ : ኮን : አባ : ብዙኃን : መነኮሳት : ወ
 በኅዳጥ : መዋዕል : መጽአ : አቡን : ተክ

ለ : ሃይማኖት : ለቢሶ : ልብሰ : ሐራ : እ
 ምኅበ : አባ : ኢየሱስ : ሞአ : ፈቂዶ : ከ
 መ : ይሁር : ኢየሩሳሌም : ወበጽሐ :
 ደብረ : ዳሞ : ቅድስት : ኅበ : ሀሎ : አባ :
 ዮሐን : መሰበ : ርእዮ : አፍቀሮ : ወሰዐ
 ሞ : ወዜነዎ : በእንተ : ምጽአቱ : ወይቤ
 ሎ : መጻእኩ : ከመ : ታልብሰኒ : አስኬ
 ማ : ወቆብዐ : ወእፈቅድ : ከመ : እሁር :
 ኅበ : መቃብረ : እግዚእነ : መይቤሎ : አ
 ባ : ዮሐን : ሐዊረሰ : ኢይመስለኒ : አላ :
 ሀለወክ : ትኩን : አበ : ብዙኃን : በዝዩ :
 ወበሕቱ : ለእግዚአብሔር : ንንግር : ኅ
 ቡረ : ከመ : ያርእዩን : ፍኖተ : ሠናዩ :
 ወወሀቡ : አስኬማ : ወቆብዐ : ወነበሩ : ኅ
 ቡረ : እንዘ : ይፀመዱ : ጸሎተ : አቡነሰ :
 አባ : ተክለ : ሃይማኖት : ይገብር : ተአ
 ምረ : ወመንክረ : ወነበረ : ምስሌሁ : ለአ

ቡን : ዮሐን : መጠነ : ፲ ወ ፪ ዓመት : ወ
 ገብአ : ኅበ : ኢየሱስ : ሞአ : ነሢአ : አስ
 ኬማ : ወቆብዐ : እስመ : እንበለ : ይንሣ
 እ : አስኬማ : ወቆብዐ : ወፅአ : እንበይነ :
 ጸሀቀ : ጽድቅ : አፍቀሮ : ጽሙና : ወብ
 ሕታዌ : ወእቶሙሰ : ኢየሱስ : ሞአ : ወ
 አባ : ተክለ : ሃይማኖት : ስፋሐነ : አፅፁ
 ግ : ወወለዱ : ከዋክብተ : ብሩሃነ : ወብ
 ዙኃነ : ከመ : ኖፃ : ባሕር : ወመልአዎ :
 ለምድረ : አዜብ : ወእምድኅረ : ሐይወ :
 ብዙኅ : መዋዕለ : በሥርዐተ : አቡሁ : አ
 ረጋዊ : አፅረፈ : አባ : ዮሐን : አመ : ፱ :
 ለግንቦት : ወአቀመ : ሀዩንቴሁ : አባ : ከ
 መ : ይኩን : ኖላዌ : ዘስመ : ዘኢየሱስ :
 ተፈጸመ : ገድሉ : ወተአምሪሁ : ለብእ
 ሴ : እግዚአብሔር : ቅዱስ : ወብፁዕ : አቡ
 ነ : አረጋዊ : አባ : ብዙኃን : ደቂቅ : ከመ :

ያዕቆብ፡ ስፋሐ፡ አዕፁቅ፡ ዘመልአ፡ አዝርእ
 ቲሁ፡ በኢትዮጵያ፡ እምዕራብ፡ እስከ፡ ም
 ሥራቅ፡ ዘይትንብብ፡ አመ፡ ፲ ወ ፱፡ ለጥቅ
 ምት፡ በሰላመ፡ እግዚአብሔር፡ አሜን ። ጸ
 ሎቱ፡ ወበረከቱ፡ ወሀብተ፡ ረድኤቱ፡ ወጸ
 ማ፡ ንግድቱ፡ ወትዕግሥቱ፡ ለብእሴ፡ እ
 ግዚአብሔር፡ አቡን፡ አረጋዊ፡ ወሰረከተ፡
 ኩሎሙ፡ ቅዱሳን፡ ሮም፡ አኅዊሁ፡ ወበረከ
 ቱ፡ ለገብረ፡ ክርስቶስ፡ ዘኅብረ፡ በዓለ፡ ምስ
 ሌሁ፡ ወበረከታ፡ ለእግዝእትን፡ ማርያም፡
 ወላዲተ፡ አምላክ፡ ወበረከተ፡ ኩሎሙ፡
 ነቢያት፡ ወሐዋርያት፡ ጸድቃን፡ ወሰማ
 ዕታት፡ የሀሉ፡ ምስለ፡ ኩሎሙ፡ ደቂቀ፡
 ዳሞ፡ ዐቢይ፡ ወንኡስ፡ ወምስለ፡ ኩል
 ነ፡ እለ፡ ተጋባእን፡ ለገቢረ፡ ተዝካሩ፡
 ወበዓሉ፡ ወለሰሚ፡ ገድሉ፡ ወምስለ፡
 ኩሎሙ፡ እለ፡ መጽኡ፡ እምቅሩብ፡ ወእ

ምርሐቅ፡ ለዓለመ፡ ዓለም፡ አሜን ። ለኩ
 ልክሙ፡ እለ፡ ዝዩ፡ ሀለውክሙ፡ ዩም፡ በ
 ዛቲ፡ ዕለት፡ ቅድስት፡ ዕለተ፡ ተዝካሩ፡ ለ
 አቡን፡ ሮማዊ፡ እለ፡ ታነብቡ፡ ወትሰም
 ዑ፡ ክርስቶስ፡ አምላክን፡ ይረሲክሙ፡
 ድልዋን፡ ምስለ፡ ኅሩያኒሁ፡ ወቅዱሳኒሁ፡
 በይእቲ፡ ዕለት፡ ግርምት፡ ወድንጋዒ፡
 ዕጽብት፡ ወጸጋሁ፡ ለእግዚእን፡ ኢየሱስ፡
 ክርስቶስ፡ ዘመጽኦ፡ ለመድኅኒትን፡ ወተ
 ዐገሠ፡ ስቅለተ፡ ወሞተ፡ በእንቲእን፡ ወ
 ከዐወ፡ ደሞ፡ ቅዱሰ፡ በዘቦቱ፡ ተሳዩጠን፡
 ይትወከፍ፡ ጸሎታቲክሙ፡ ወምሥዋዓ
 ቲክሙ፡ ወንስሓክሙ፡ ወይትወከፍ፡
 ቍርባናቲክሙ፡ ወጽንሓሓቲክሙ፡ ወ
 ይርዳእክሙ፡ በዕለተ፡ ተጋድሎክሙ፡
 ወይስማዕ፡ አስተብቅዶተክሙ፡ ወየሀብ
 ክሙ፡ ምግባራተ፡ ብሩሃተ፡ ወአክሊላተ፡

ምስጋና : ወይኅፅብ : ርስሐተክሙ : ወ
 ይጸጉክሙ : ትዕግሥተ : ወተጋንዮ : ወይ
 ረሲክሙ : ድልዋነ : ለአምልኮቱ : ወይጸ
 ጉክሙ : እምበረከታቲሁ : ወያኅድር :
 ላዕሌክሙ : ጸጋሁ : ወያቅርብክሙ : ኅ
 በ : ሥምረቱ : ወያድኅንክሙ : እምኩሉ :
 መከራ : ወመንሱት : ወሕማማት : ወያግ
 ብአ : ለዘተሀጉለ : እምኔክሙ : ወይሚጠ
 ሙ : ለነጋድያን : ኅቤክሙ : በዳኅን : ወበ
 ሰላም : ወየሀብክሙ : እግዚአብሔር : ኑ
 ዛዜ : በሐዘናት : እንተ : ትመጽእ : ላዕ
 ሌክሙ : በኅይለ : መስቀሉ : ለእግዚእን :
 ኢየሱስ : ክርስቶስ : ሎቱ : ስብሐት : ወላ
 ዕሌን : ይኩን : ምሕረቱ : ለዓለመ : ዓለ
 ም : አሚን ::

